

Minister Geoffrey Wever
Lo tin 500K extra aloca
pa San Nicolas pa inicia
proyecto di revitalisacion
den 2023

Pagina 5

Diaranson 6 di September 2023 www.bondia.com Email: noticia@bondia.com Tel: 582-7800 Fax: 582-7044 1,75 Florin

Segun Minister Tjon:

Gabinete Wever-Croes a casi triplifica fondonan pa DAS



Pagina 4

- **Metabolic Foundation lo clausura proyecto Surfside Science na Cas di Cultura**

Pagina 2

- **Pregunta frecuente: Mi tin COVID, kico awo?**

Pagina 7

- **DIMP: Cumplimento cu pago di loonbelasting y BBO/BAVP/BAZV mester mehora**

Pagina 6

Fundacion Alzheimer Aruba ta organisa simposio y ta anuncia proyectonan



Pagina 3



Volt kier cambia e
sistema Hulandes
“radicalmente”

Pagina 9

Colombia: Presidente Petro ta nenga cu ta
padece di Asperger Syndroom



Pagina 10

Metabolic Foundation ta bay cera nan proyecto Surfside Science na Cas di Cultura

Na augustus di 2022 Metabolic Foundation a anuncia nan proyecto Surfside Science cu ta enfoca riba metodonan pa midi calidad di aire, awa di lama, cambionan den costa y vegetacion den fondo di lama e cual a culmina cu un siman di presentacion na augustus ultimo y awor e siman aki nan ta bay na Cas di Cultura pa e clausura di e proyecto.

Pa esaki, Christie Mettes, coordinador di e proyecto a splica cu esaki ta e clausura di e proyecto na unda nan a haya fondonan di Union Europeo door di RESEMBID, cual ta un fondo di e Union Europeo cu ta maneha pa Expertise France, e agencia pa desaroyo Frances cu ta maneha e proyectonan den paisnan den exterior y teritorionan cual ta inclui Aruba y 11 otro isla den Caribe.



Pa cera e programa aki, pa mañan diahuebs nan ta bay ta na Cas di Cultura for di 7:00pm te cu 9:00pm cu un presentacion artistico e cual ta bay ta un presentacion paralelo via online cu Union Europeo pa e programa "citizen science" di Ars Electronica na Linz, Austria pa e actividad aki e entrada ta bay ta gratis.

Ademas di esaki, nan kier presenta loke nan a logra riba dje durante e aña aki di Surfside Science na unda nan kier contribui na resiliencia di Aruba su ecosistema marino y di costa contra e impactonan di cambio di clima. Nan metodo a combina e uso di sensornan electronico, imagen satellite, AI y analisis di

potret di bao lama y e resultadonan ta compara y valida door di un ecologo marino usando metodonan standard cu ta wordo usa generalmente den ciencia. E data colecta ta bay di biaha riba nan website pa forma un base pa data cu automaticamente y continuamente por colecta, warda, comparti y analisa data. Tur data ta accesibel pa uso pu-

blico y por beneficia specialmente e personanan local cu ta activo den area academico, fundacion, estudiante y profesional.

E proyecto aki ta uno di sumo importancia pa Aruba, mirando cu te awo Aruba no ta dispone di suficiente data riba e estado di nos lama y costa. Mettes a splica cu nan a enfoca riba e colecta di data. El a splica sinembargo cu entre nan boluntarionan nan a conta cu varios estudiante di PhD cu ta involucra den analisis di e data como tambe estudiante di Universidad di Aruba, cu a haci stage cu nan.

Pa personanan interesa di wak e resultadonan cu nan a colecta por subi riba e website: www.science.branchies.com of www.data.branchies.com y riba nan Instagram "Branchies."

Rudselyne de Kort ta un di e abogadonan mas nobo di Aruba



Rudselyne M. de Kort, hoben adulto di 30 aña di edad a gradua na Universidad of Aruba cu Masters in Law na januari di e aña aki. Ayera 5 di september tabata un dka hopi special pa de Kort pasobra tabata e dia cu el a huramenta como abogado na Corte di prome Instancia di Aruba.

Contando di experiencia, de Kort a bisa cu prome cu el dreña den e mundo legal e tabata activo den e mundo di negoshi ya cu e tin un bachelors den Business Administration y e ta traha den accounting. Ademas di esaki de

Kort tambe ta doño di un un negoshi chikito.

Aworaki como abogado e ta mescla e miho di e dos mundonan mirando cu mel a caba di studia ley y el cuminsa traha na oficina di abogado Richbar na 2021 prome como estudiante staigaire, despues como paralegal y aworaki oficialmente como abogado.

De Kort ta conta cu su huramentacion omo abogado mes a bai super liher, pero no obstante el a remarca cu e tabata algo hopi bunita pa e experiencia pasobra e tres hues femenino di Gemeen-

schappelijk HOF van Justitie a haci e beëdiging hunto cu e waarnemend procureur general femenino y un griffier femenino. "E la sinti special. Esey ta algo cu resalta pa mi," el a enfatisa.

Aworaki de Kort lo ta trahando como abogado na e buffete Richbar Attorneys & Corporate Advisors bao di patroon abogado Clifford Richardson.

E buffete ta specialisa den corporate, commercial, employment, real estate, administrative, and banking & finance law.



Fundacion Alzheimer Aruba ta organisa simposio y ta anuncia proyectonan en conexion cu nan 20 aña como fundacion

Fundacion Alzheimer Aruba ta bay cumpli 20 aña y nan a tene un conferencia di prensa ayera na unda Marinus Wegereef lider di proyectonan di e fundacion conhuntamente cu Melva Croes-Yanez ken ta fungi como presidente y minister encarga cu Asuntonan di Adulto Mayor Ursell Arends a trece dilanti informacion tocante un simposio y varios proyecto.



Wegereef a splica cu luna di september ta e luna di conscientisacion di alzheimer na unda na Aruba casi 70% di e casonan di demencia ta di alzheimer y cifranan di Central Bureau of Statistics Aruba di Censo 2010 a bin dilanti cu pa aña 2030 ta bay tin tres biah mas pashentnan cu alzheimer.

Nan a pidi Gobierno di Aruba, den caso aki minister Ursell Arends ken ta encarga cu Asuntonan di Adulto Mayor pa traha den conhuntio y bin cu plannan na unda Wegereef a señala cu nan tin varios proyecto caba.

Un di nan ta e simposio cu e tema “Cuido cu Dignidad” cu nan ta organisando pa dia 23 di september cu ta bay tuma luga na Holiday Inn Hotel pa papia riba diferente tema como por ehemplo “Sundowner’s Syndrome” e cual ta e syndroom di bahada of subida di solo, na papiamento ta yamel’e “Wandromento” e cual ta trata di pashentnan cu ta sufrí di alzheimer of otro transtorno neurocognitivo cu tin e tendencia di sali for di cas hasta perde na unda algun di nan no por a ser localisa.

Na november di aña pasa a bira conoci e noticia di un adulto mayor ken tabata biba den districto di Noord y cu te ainda e ta desaparecido.

Nan di fundacion a bin cu un plan grandi pa haci algo pa e parti aki di wandromento y un di e otro proyectonan cu nan kier realisa ta un training pa esnan cu tin un ser keri na cas cu ta sufrí di e síndrome aki e cual ta bay tin participacion di expertonan.

Otro proyecto cu tambe nan kier bin cune ta ‘M Alert’ e cual ta consisti cu ora un mucha ta perdi tin señalnan pa bay busk’e y nan kier bin cu

esey na Aruba cu ora un persona ta perdi tur esnan cu ta getraind pa yuda manera Cuperpo di Polis di Aruba pa haci un buskeda grandi.

Den esaki, Wegereef a bisa cu Aruba ta un isla chikito y ta bon pa cuminsa haci e control social.

Ademas, el a sigura cu nan kier crea “E cunucu di demencia” na unda nan lo bay traha hunto cu Gobierno di Aruba pa nan por setup un cunucu di demencia pa esnan cu ta sufrí di e syndroom aki pa nan por haya un bida digno, nan por biba den lugayey cu supermercado, pa bay corta cabey, pa haci huña, tur den un luga so y esey ta un di nan plan di mas grandi.

Den mesun linea di proyectonan, Wegereef a menciona cu nan lo haya un cacho cu ta bay yuda pa e buskeda di personanan desaparecido.

Presidente di e fundacion aki Melva Croes-Yanez a señala cu e tema principal di henter e celebracion aki cu tur aña tin un lema diferente, ta “Tur hende cu ta padece di un of otro condicion neurocognitivo ta un hende” esey tambe ta encera cu e fundacion aki ta para pa esey, “Cuido cu Dignidad” e cual ta nan meta.

Biniendo back riba e tema di perdemento unda e persona ta cana bay y perde riba e isla chikito aki ta di lamenta manera Croes-Yanez a sigura. Ta p’esey nan kier cu e training aki back cu a tuma luga hopi aña pasa na Aruba. “Nos kier duna e training aki na periodistanan, brandweer, hendenan di KP, Bureau Rampenbestrijding Aruba (BRA) esaki ta cosnan cu nos kier pa nos curason ta eyan pa motibo cu e hendenan aki tambe ta hende y nos mester trata nan diferente pasobra nan tin un of otro trastorno

neurocognitivo, alzheimer of otro.” El a bisa.

Nan ta señala cu esaki ta importante pa educa e hendenan un tiki mas miho pa no tin bruha, debi cu tin basta duda riba e tereno aki, “hopi hende ta kere cu si un persona ta lubida bo tin alzheimer mientras cu no ta necesariamente y hasta tin chansa ta ser haci y p’esey nos mester bay re-educa nos comunidad.”

Loke nan como un fundacion cu tin 20 aña caba ta mira ta cu asina cu un persona ta diagnosticada “e no ta sirbi mas” cu e persona mester ta aïsla of ta keda bao curatela mientras cu nan ta keda hende y su malesa a ponel’e cambia na unda ta ataca e persona y no e malesa, manera Croes-Yanez a sigura. E parti di medica un persona pa e keda “mas tranquil” esey tampoco ta un manera digno di un pashent cu e syndroom aki.

Pa loke ta trata e simposio di dia 23 di september, Melva Croes-Yanez ta bay ta presente hunto cu otro expertonan como Truddy Hassel di Cuperpo di Polis di Aruba, entre otro. Pa e simposio aki nan ta bay bende 100 carchi so.

Di su parti, minister Arends a menciona cu pa loke ta trata e 20 aña di existencia di e fundacion ta momento pa para keto riba esaki na unda cu dos decada pasa nan a tuma e iniciativa pa atende cu e necesidad aki cu tambe ta hancra e derecho di existencia di Fundacion Alzheimer Aruba den comunidad. Ta hopi probabel cu cada un di nos sea ta conoce un persona of tin un familiar cu ta sufrí di alzheimer y mi ta kere esaki ta un malesa hopi difícil pa nos por lidia cune pasobra e ta atacha tambe e esencia di ken e persona ta, su experiencianan cu ser-

nan stima y cu e creencianan cu a form’e como individuo, e memoria di su propio persona ta disolve cu un bay bin di biento,” el a indica.

El a invita comunidad en general y tambe profesionalnan na Aruba cu ta traha cu cuido pa atende e simposio aki pa por ta mas prepara y miho educa con pa atende e malesa aki un bes cu un ser keri ta padece di dje.


Minister Arends a informa cu su ministerio tambe ta traha cu Cas Marie cu tambe ta yuda cu adultonan cu ta sufrí di alzheimer y e ta spera cu prome cu fin di e aña aki por tin dos cas mas tambe mirando cu e necesidad di comunidad ta aumentando y edad di personanan cu alzheimer tambe ta bahando “e ta un necesidad grandi den nos comunidad y nos ta bay traha di cerca cu Fundacion Alzheimer Aruba pa atende cu cada un di e retonan cu e personanan cu alzheimer tin pero tambe cu e retonan cu e famia di nan ta encontra.”

Minister Arends a señala pa redactor di Bon Dia Aruba cu nan tin retonan grandi den cuido pa Adulto Mayor adecua tanto na cas como tambe den centronan di

cuido (particular). Durante añanan tabata tin hopi investigacionnan haci, cu hopi bon dato y sugerencianan. Locual tabata falta ta e compromiso pa atende cu esaki realmente y trece tur partner, stakeholder hunto pa hunto por atende cu cuido di adulto mayor.

“Enbehecimento di nos poblacion a ser anuncia y alarma a ser bati door di diferente instancianan y profesionalnan ya pa varios aña, mustrand nos riba e impacto cu esaki tin social economico como tambe riba cuido y otro aspectonan den nos comunidad manera vivienda, movilidad y participacion activo.

Den e vision y maneho cu nos ta implementando hustamente ta atende cu tur e puntonan. Durante e Foro Nacional pa Adulto Mayor lo trece esakinan dilanti pa asina den dialogo nos por fiha nos metanan y vision na bienestar di nos Adultonan Mayor. Den mi pensamiento casnan di cuido priva tambe ta forma parti di e “zorgkete”, gobierno su tarea den esaki ta pa tin maneho y control pa asina garantis e cuido debidamente.” Minister Arends a finalisa.



Segun Minister Tjon, Gabinete Wever-Croes a casi triplifica fondonan pa DAS compara cu Gabinete Mike Eman

Dialuna 4 di september a tuma luga un reunion publico na unda Parlamento di Aruba a trata e Presupuesto Supletorio di año 2023. Cada minister a contesta preguntanan di miembronan di parlamento pa duna splicacion y brinda informacion ariba cambionan of duna actualisacion ariba proyectonan.

Minister di Husticia y Asuntonan Social, Rocco Tjon, a contesta varios pregunta di diferente miembro di parlamento cu a toca tanto e parti di husticia como e parti di asuntonan social.

Un di e preguntanan dirigi na e parti di husticia tabata trata tocante particularmente e edificio nobo pa Cuerpo Policial na Oranjestad, eWard di Playa.

Minister Tjon a remarca cu e mudansa aki tabata algo di urgencia pa Cuerpo Policial mirando e situacion di e edificio bieu cu nan tabata den dje anteriormente y pa e motibo ey, a corto plaso a percura pa nan por muda.

El a splica cu esaki a keda realisa pa motibo cu a bin cu un grupo di trabao caminda Cuerpo Policial mes tabata representa tambe pa di e forma aki nos por a logra esaki. Contestando e pregunta el a indica cu e contract di huur na e edificio aki ta pa un periodo di cinco año y e huur di e edificio ta na un balor di 35 florin pa vierkante meter.

El a agrega cu e contract di huur mes no ta cla ainda, pero den intentieverklaring por mria informacion di e huur y hopi importante tambe por wak tur e aspectonan cu a tene cuenta cune pa loke ta e parti tecnico, e parti alarma, iluminacion, sistema di camara, inercom, etc. cu especificacionnan importante pa un warda di polis.

Pa loke ta trata e proyecto na edificio di ex-Codemsa, el a splica cu esaki ta un proyecto cu a keda prepara detayadamente mirando tur e diferente servicionan cu e diferente departamentonan ta bay brinda a base di e localidad aki y ta bay tin diferente funcionalidadnan nobo cu nunca antes Aruba tabata conoce.



Minister Tjon a remarca cu full e proceso ta den man di APFA y ta encarga cu eheucion di e proyecto aki. Segun el a sigui splica na mitar di luna di september nan ta bay selecta un consehero di destaho y un supervisor di construccion independiente. Despues di esaki ta bay selecta un contratista y den luna di decemeber e trabao lo keda gegund pa asina cuminsa mobilisa tur e trabaonan aki pa consecuentemente na final di 2024 por entrega e proyecto aki segun schedule.

E mandatario a contesta pregunta tambe tocante e edificio di Family Justice Center y cuanto e huur ta. El a splica cu ta papia di un huur pa duracion di cinco año na un balor di 27.18 florin pa vierkante meter.

El a subraya a base di un grupo di trabao cu ta consisti di Cuerpo Policial, intendentenan di Family Justice, trahadonan di Bureau Slachtofferhulp y tambe Jeugd- en Zedenpolitie, hunto a yega na e plattgrond pa tene cuenta cu tur e rekisitionan y pa por cumpli cu tur e exigencianan internacional pa loke ta trata e trabaonan specifico aki.

Un topico cu a bin na remarke tambe ta e mocion cu ta trata e plan di prevencion di suicidio. Minister Tjon a splica cu pa loketa trata e plan di prevencion di suicidio tin un grupo di trabao cu a keda institui cu ta realisa e trabaonan aki cu mester tene

cuenta cu hopi aspecto.

El a sigui splica cu egrupo di trabao cu ta encarga cu esaki ta e grupo GGZ cu entre otro a traha ariba eplan a largo plaso pa loke ta trata salud mental. El indica cu tin diferente puntonan a bin pa dilanti, entre otro cu mester tin suficiente trahado studia y tambe a percura pa informacion tocante esaki ta mas ampliamente disponible

El a agrega cu recientemente tabatin un curso pa Cuerpo Policial na unda nan a haya tur informacion di Mental Health Caribbean pa ora cu nan mester trata cu personanan cu comportamiento incomprendibel. Na mesun momento e curso aki ta amplia e conocimiento y por brinda un miho cuido na esanan cu kizas intencion di entre otro comete suicidio.

Un aspecto hopi importante cu el a resalta ta cu e grupo di trabao a indica cu pa comienso di 2024 nan ta kere cu nan por tin un plan nacional na luga pa loke ta trata prevencion di suicidio. El a agrega cu e plan nacional di prevencion di suicidio lo ta enfoca ariba diferente grupo obhetivo y lo keda realisa den e diferente secotnan.

“Di e forma aki e ta bira un plan hopi amplio y integral y si tur cos ta bon na comienso di 2024 esaki lo ta disponible y di e forma ey e por keda ehecuta,” el a bisa. Pa loke ta e pregunta tocante e

entidad di autoridad di weganan di suerte. Minister Tjon a sploca cu esaki ta bay un organizacion independiente cu ta encarga cu supervision y regulacion di e weganan di suerte na Aruba. E ta bay duna tambe concientisacion pa loke ta e parti di adiccione na e weganan di suerte.

El a enfatisa cu e entidad aki ta hopi importante pasobra tin un analisis di escena di crimen cu a keda emiti y un di e puntonan cu mester tene cuenta cune pa futuro, ta entre otro labamento, un fenomeno di criminalidad y e autoridad aki tambe lo yuda mitiga esaki a traves di e sector aki.

Pa loke ta e proyecto di ‘veilge barios’, e mandatario a indica cu e intencion ta pa practicamente stimula trabao di bario y dentro di poco lo lansa e proyecto cu e centro nan dibario mes a yama ‘barionan unico’. E pensamiento tras di e proyecto aki ta pa percura cu tin mas actividadnan den bario.

El a sigui splica cu ya caba tin mas personal cu a keda emplea na tur e centronan di bario pa duna contenido na diferente actividadnan. Ademas ta bay introduci proyecto y actividadnan cu ta enfoca ariba e parti social, e parti cultural y tambe trayectoria di estudio y trabao.

Minister Tjon a señala cu e luna aki of siguiente luna lo anuncia otro proyecto den

cuadro di e proyecto ‘veilge barios’ caminda ta bay percura, den bon cooperacion cu Ministerio di Enseñansa pa den e centronan di bario duna oportunidad na hobenan cu mester di extra guia y atencion den e parti di educacion.

Pa loke ta e parti social, Minister Tjon a realsta e cifranan realisa pa loke ta trata con e presupuestonan di Directie Sociale Zaken tabata durante tur e añanan cu a pasa.

Segun el a señala na 2014 tabatin un suma di 407 mil, na 2015 un suma di 296 mil y na 2016 un suma 270 mil. El a resalta cu bao Gabinete Wever-Croes por wak cu na 2021 a presupuesta 1.1 miyon, na 2022 esaki tabata 1.3 miyon y 2023 no a termina ainda, pero pa loke ta trata cifranan realisa por wak cu na fin di april tabatin mas cu na 2014.

“Mi kier indica un rato cu pa loke ta trata duna atencion na Departamento di Asuntonan Social pa loke ta trata e fondonan, pa loke ta trata e materialnan cu nan tin mester, esaki a keda casi triplifica si compara esaki cu Gabinete Mike Eman,” Minister Tjon a enfatisa.

Por ultimo, contestando e pregunta tocante e lista di espera di Cas Blenchi y Cas Briyante, el a splica cu Cas Blenchi aworaki no tin lista di espera y Cas Briyante tin un cliente cu ta keda evalua aworaki pa wak si e ta haya luga den un di e complehonan.

El a remarca e hecho cu e cudio cu ta keda duna door di e dos fundacionnan ta hopi costoso. “Ta diferente decisionnan cu no soalemnte gobierno, pero parlamento tambe mester haci pa hunto dicidi con leu nos kier bay den brinda e cuido aki. E ta cuidonan hopi costoso. No solamente door di e infraestructura, pero door di e personal tambe cu tin mester pa por brinda e cuido adecua na e clientenan aki,” el a subraya.

El a resalta cu den e presupuesto di deseabilidad di 2024 pa loke ta trata e fundacionnan aki, tin un aumento hopi grandi pasobra nan kier percura entre otra e cas cu ta bashi aworaki tambe drenta den uso.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueero (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press
Ret Karibense

Data Key

Afiliacion

Sociedad Interamericana
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Minister Geoffrey Wever

Lo tin 500K extra aloca pa San Nicolas pa inicia proyecto di revitalisacion den 2023

Awo cu presupuesto supletorio 2023 ta aproba den Parlamento di Aruba, por enfoca riba e proximo pasonan pa termina e aña riba un paso firme. Den reunion publico OV #26 den Parlamento di Aruba, Minister Geoffrey Wever a informa di e diferente plannan den preparacion final pa San Nicolas. Tambe a logra segura 500 mil Florin pa por inicia un 'soft development' pa e fin di aña aki caba.

E vision ta pa eleva fluho di hende den e ciudad. Den Oranjestad tin proyectonan andando manera den Columbusstraat, y otronan andando of den preparacion manera di Huize Veneranda, Freezone, CBS, Aruba Fair Trade Authority cu ta sigui e mesun vision y strategia pa crea fluho di hende. Tambe ta fihando posibilidad pa casnan pa estudiante. Tambe a toca e tema di seguridad, pa cual minister Wever a menciona di ta contento di e colaboracion inter-ministerial cu min-



isternan Tjong, Oduber, Arends y su persona, pa eleva seguridad den e area di centro di ciudad, cual ta sostene e vision total.

Pa San Nicolas a papia cu diferente stakeholders pa desaroya un proyecto cu

por tin impacto inmediato pa e centro di ciudad, mientras tambe fungi como un prome paso den un plan mas grandi di revitalisacion di e area completo di centro di ciudad a largo plaso.

Despues di varios sondeo y consultacion a logra crea un diseño a base di un concepto cual ta carga aprobacion di diferente stakeholders envolvi. Ta papia di ampliacion di espacio publico, facilidnan publico, accesibilidad y parkeo, como tambe desaroyo di industria artistico y musical.

Minister Wever a indica cu lo aloca 500 mil Florin e aña aki (2023) pa 'soft development' di e proyecto, cual pronto lo ser anuncia. Na e momento aki falta un analisis tecnico di e desaroyo di e area, pero ta spera di por conclui cu esakinan pronto y inicia cu trabounan preparatorio pa e fase 1 di Revitalisacion San Nicolas.

Minister Thijsen a dialoga cu presidente di MKB Nederland tocante empresanan chikito y mediano na Aruba

Minister Plenipotenciario mr. Ady Thijsen tabatin un reunion cu presidente di MKB Nederland Jacco Vonhof.

Meta di e bishita aki na prome instante ta pa cera conoci y alabes intercambia riba algun temanan cu por ta di importancia pa Aruba riba e tereno di empresa chikito y mediano. Sr. Thijsen a papia cu sr. Vonhof riba con e pandemia tabata un sla duro pa Aruba su economia, mirando cu e pilar principal ta turismo. Na mes un momento, segun Minister Thijsen a bisa cu Aruba ta un di e paisnan cu a recupera mas liher despues di e pandemia. "Esaki ta desaroyonan cu institutonan financiero manera IMF tambe ta vocifera. Un cos importante cu nos a siña di e pandemia ta cu Aruba mester diversifica su economia.

Antes Aruba tabata un pilar economico grandi cu tabata e refinaria y turismo. Awo aki ta solamente turismo ta e corki riba cual e economia ta draai. Den cuadro di esaki Aruba ta parti di transicion pa energia alternativa. Un MOU a caba di wordo firma entre companianan estatal di utilidad di Aruba cu e compania spaño Accionna Energia. Hunto cu e uso di LNG

pa produccion di electricidad, ta haci Aruba un trendsetter den region Caribense."

"E siguiente paso ta agricultura, unda cu nos ta den combersacion cu Universidad di Wageningen riba posibilidadnan riba e tereno aki. Loke tambe ta importante ta estimulacion di e sector di empresa chikito y mediano, cu ta e weso di lomba di nos economia. Mi ta kere cu pa medio di cooperacion lo mester por stimula nos hendenan pa ta un bon entrepreneur. Tambe lo mester mira unda por haci e proceso mihor y duna estructura unda esaki ta nesario. Nos mester crea un ambiente unda principalmente nos hobennan cu hopi biaha tin un bon idea, haya e guia y instrumentonan con pa lanta nan mesun negoshi. Aruba tin hopi potencial, pesey lo ta bon pa mira unda MKB Nederland por yuda comerciantenan na Aruba," asina Minister Thijsen a bisa.

Presidente di MKB Nederland Jacco Vonhof a bisa Minister Thijsen cu e ta reconoce hopi den loke e mandatario a bisa cu e situacion cu empresanan MKB na Hulanda. Vonhof: "MKB Nederland tin hopi experticio y sigur nos ta dispuesto pa sondea maneranan unda nos



por yuda y duna sosten na comerciantenan na Aruba. Lo ta bon pa inventarisa kico falta cerca e comerciantenan, pa nos por mira riba cual tereno nos por ta di nesidad. Con bo ta organisa, lo mester bin mas investigacion riba esaki. Nos ta bai mira den seno di MKB Nederland y otro partnernan na posibilidadnan."

Minister Thijsen a bisa di ta contento cu MKB Nederland ta habri pa brinda e cooperacion nesario. "Na e momento cu Aruba ta den pleno reformacion riba diferente tereno den cuadro di e "Onderlinge Regeling, ta e momento pa stimula e sector di empresa chikito y mediano. Nos sa di empresnan na Aruba cu tin un bon producto, cu awo aki nan ta exporta entre otro pa Curaçao, mientras cu e producto tin potencial pa wordo exporta

pa Europa.

Akinan nos mester crea posibilidad pa e comerciante por tuma e pasa y crece cu su empresa. E bentaha di esaki cu si mas Arubiano ta exitoso comercialmente, esaki ta un beneficio grandi pa Aruba, unda e empresanan ta inverti den economia di Aruba, dus e placa ta keda Aruba," asina Minister Thijsen a bisa.

E palabracion a keda haci cu Minister Thijsen lo bai inventarisa cerca e organisacionnan empresarial kico ta nan nesidadnan y despues reuni cu otro atrobe. Minister Thijsen a gradici Jacco Vonhof pa e reunion sumamente ameno y tin e confiansa cu tin manera pa cooperacion.

E potret ta cortesía di Aruba-huis.

DIMP:

Cumplimento cu pago di loonbelasting y BBO/BAVP/BAZV mester mehora

Departamento di Impuesto ta un departamento di gobierno cu tin e tarea pa garantiza entrada di impuesto y pa facilita e contribuyente pa por cumpli cu su debernan fiscal. Responsabilidad fiscal ta encera entregamento di declaracion y pago corespondiente na tempo.

E cumplimiento (of compliance) pa cu pago di impuesto ta un parti importante di un bon comportacion fiscal. Segun e cifranan, e empresanan cu a entrega nan declaracion di loonbelasting y BBO/BAVP/BAZV di e periodo januari te cu juni di aña 2023, no a paga e suma di impuesto cu ta corresponde cu nan propio declaracion y/of no a paga na tempo. Consecuentemente Departamento di Impuesto a saca cobransanan adicional cu boet pa incumplimento di pago.

Ta importante pa menciona cu den e cifranan di loonbelasting ta inclui tambe e primanan di AOV/AWW y AZV y ta trata sumanan cu e dunador di trabao a retene for di su empleadonan y no a paga esaki na Depar-

tamento di Impuesto. Pues ta trata sumanan di impuesto y primanan social cu ta corresponde cu e responsabilidad di pago di e empleado cu no a wordo paga debidamente. Pago di BBO/BAVP/BAZV ta corresponde cu e sumanan di ganashi di un empresa caminda cu e 7% di impuesto cu ta aplicabel no a wordo paga na Departamento di Impuesto.

Cumplimento cu impuesto ta e responsabilidad di e contribuyente

Cumplimento cu declaracion y pago di impuesto ta e responsabilidad di e contribuyente y no di Departamento di Impuesto. Sea e ta un persona individual, dunador di trabao, comerciante chikito y/of compania grandi. Ta importante pa menciona cu si un contribuyente no cumpli cu pago di impuesto tin consecuencianan indesea di boetnan haltu y sumanan di interes cu ta resulta den un suma total mas haltu pa paga sin cu ta necesario. Esaki por hinca e comerciante y/of empresa den un situacion financiero dificil pa sali for di dje. P'esey keda sin haci pago di impuesto no ta un

Aki ta sigui un bista di e incumplimento of "non-compliance" pa loke ta trata pago di impuesto conforme propio declaracion di algun comerciante.

Cobransanan adicional (naheffingsaanlagen) di loonbelasting, prima di AOV/AWW y AZV periodo januari te cu juni 2023		
Cantidad di contribuyente cu a ricibi cobransa	1.684	
Cantidad di cobransa adicional	7.787	
Suma total di cobransa		Afl. 33.2 miyon
Suma cu a wordo paga		Afl. 12.9 miyon
Suma cu ta habri pa paga		Afl. 20.3 miyon

Cobransanan adicional (naheffingsaanlagen) di BBO/BAVP/BAZV periodo januari te cu juni 2023		
Cantidad di contribuyente cu a ricibi cobransa	2.369	
Cantidad di cobransa adicional	8.438	
Suma total di cobransa		Afl. 21.8 miyon
Suma cu a wordo paga		Afl. 10.4 miyon
Suma cu ta habri pa paga		Afl. 11.4 miyon

opcion.

Departamento di Impuesto kier gradici e comerciantenan cu si a cumpli debidamente cu e pagonan di loonbelasting, primanan di AOV/AWW/AZV y BBO/BAVP/BAZV y den mesun rosea urgí e comerciantenan cu

no ta cumpli cu nan pago di impuesto pa atende cu nan responsabilidad fiscal. Nos tur mester demostra di ta consciente di e importancia di cumpli cu nos debernan di impuesto y asina contribui na bienestar di nos tur cu ta biba y trata riba e dushi isla di Aruba.

Tin interes grandi pa Curso Finanzas den mi Hogar den Noord

Awor a toca turno na distrito di Noord pa participa na e curso Finanzas den mi Hogar. Un curso ofreci gratis na nos ciudadanonan a start riba dialuna, 4 di september, den distrito di Noord. E curso financia for di presupuesto di Minister Geoffrey Wever ta reparti over di 4 siman. Durante 4 siman 60 participante lo ricibi e guia y conocimiento pa tuma decisionnan financiero cu impacto positivo riba nan bienestar. Cada participante lo ricibi material necesario manera entre otro pen, etui y un calculator, y na final tambe un certificado di participacion.

Pa duna un apoyo na nos ciudadanonan riba maneho di finanzas, minister Geoffrey Wever hunto cu Fundacion Plan di Bida ta organisa e curso Finanzas den mi Hogar den tur distrito di Aruba. E interes tabata grandi pa e curso, cual ya caba a ser ofreci den Paradera, Oranjestad, San Nicolas y Savaneta. Ta demostra cu educacion financiero ya no ta un luho mas pero un necesidad. Awor ta toca turno pa distrito di Noord pa ricibi e guia y conocimiento pa tuma decisionnan financiero cu impacto positivo riba nan bienestar.

Un necesidad si tene cuenta cu sondeo di Banco Central di Aruba ta muestra cu di cada 10 hogar, 3 hogar ta gasta

mas di nan entrada tur luna. Esaki ta nifica cu tin hogarnan riba nos isla cu cada luna tin e reto di cumpli cu tur necesidad y responsabilidad financiero manera entre otro gasto pa vivienda, cuminda, y prestamonan personal. P'esey ta importante pa duna guia y conocimiento pa conscientisa e consumidor, e participante riba e impacto di cada decision financiero riba nos cartera y nos hogar.

Den e prome sesion a enfoca riba con por ta efectivo den cas door di wak con por spaar y cumpra sin emocion. Cu subida di prijsnan internacional di productonan cu ta afecta e prijsnan di nos productonan ta importante cumpra conscientemente y crea e espacio pa spaar maske ta un tiki. Esaki por contribui na sea mas consciente di e balor di cada florin.

"E interes demostra di nos ciudadanonan den districtonan Paradera, San Nicolas, Oranjestad, Savaneta y awor Noord ta muestra cu ta hopi importante pa gobierno facilita e guia y conocimiento na nos ciudadanonan y asina duna un contribucion importante na desaroyo personal di cada uno y nos pais", segun Minister Geoffrey Wever.



Minister Geoffrey Wever ta contento di por ofrece e curso aki gratis na nos ciudadanonan y ta desea cada par-

ticipante hopi exito durante e diferente sesionnan cu lo trata topiconan cu lo contribui sin duda na un maneho responsabel di nos cartera.



JGZ ta bay cuminsa cu nan campaña di vacunacion escolar

Diamars atardi Minister di Turismo y Salud Publico Sr. Dangui Oduber a reuni cu Seccion Cuido Salud Hubenil (JGZ) na bestuurskantoor. Aki e mandatario a ricibi un presentacion tocante di e campaña di vacunacion escolar y tambe a ricibi e cifranan di e ultimo añanan di vacunacion pa muchanan di Wit Gele Kruis y JGZ mes. JGZ a comparti cu Minister e importancia di e vacuna y con e colaboracion entre JGZ y (WGK) a cana durante e añanan.

JGZ ta parti di Departamento di Salud Publico (DVG) cu ta encarga cu e programa di vacunacion den colaboracion cu WGK, esaki ta algo cu ya pa mas di 70 aña nan haciendo. JGZ tambe ta bishita tur scolnan kleuter y basis pa mas di



50 aña pa asina logra un grado di vacunacion halto na Aruba. E campaña di vacunacion escolar ta bay inicia y ta importante pa e mayornan concerni ta pendiente pa ricibi e carta informativo via scol di nan yiu. Durante e campaña, JGZ ta ofrece e vacunanan rutinario contra malesanan manera Difteria, Tetanus,

Polio, Sarampi, Sarampi Aleman y Cacheton. Pa e mucha muhenan den 6de klas tambe ta ofrece e vacuna di HPV cu ta yuda preveni cancer na boca di matriz. Minister Oduber ta enfatisa cu e campaña escolar ta regarda solamente vacunanan rutinario, cu tambe ta wordo ofrece na Wit Gele Kruis



(WGK), e vacuna aki no tin nada di haber cu Covid19. Durante e campaña escolar JGZ ta registra tur vacuna cu muchanan ricibi y por averigua, na inicio di cada aña escolar, cua vacuna muchanan den oudste kleuterklas, klas 5 y klas 6 falta. Minister Oduber ta pidi mayornan cu tin yiu den e klasnan mencio-

na pa keda informa di e campaña di vacunacion na scol y yena e formulario di permiso pa JGZ por duna Bo(so) yiu e vacuna(nan) cu e falta. Pa mas informacion tuma contacto cu Seccion Cuido Salud Hubenil (JGZ) na 5224200 of sigi e pagina di medio social di Departamento di salud Publico (DVG).

Mas hoben ta sufri di sintomanan di burnout, specialmente hende muhe

(NLTimes)—E cantidad di hobennan entre 18 pa 34 aña sufriendo di burnout ta aumentando, specialmente entre hobennan femenino. Aña pasa, un kwart di trahadonan den e grupo di edad aki a bisa cu nan a experencia sintomanan di burnout y cansancio di trahamento, y e sintomanan ta birando pio, segun un estudio pa TNO y e oficina di estadistica Hulandes pa e Ministerio di Asunto Social y Empleo.

E aumento den sintomanan

di burnout ta particularmente visibel entre hobennan femenino. Aña pasa, 29% di hende muhe den e grupo di edad aki a experencia kehonan di burnout, compara cu 25% na 2020. Entre hobennan masculino, sintomanan a aumenta for di 13% na 2015 pa 23% aña pasa. Segun e investigadonan, trahadonan jong ta experencia hopi presion riba nan prestacion, inciertudnan den bida, y presion social: “E sentimento di semper haci cosnan bon, constantemente ta disponible, carga responsabilidad, y e combinacion di trabao y

famia ta causa hopi stress,” e investigadonan a bisa.

E noticianan malo constante tocante e crisis di clima, nitrogeno, guerra y Covid-19 tambe ta contribui na inciertud tocante nan futuro y carenanan, mientras debenan di estudio, inflacion y costonan halto di hipoteca ta causa preocupacionnan financiero, e investigadonan a bisa. “E influencia di media social riba e autoimagen di hobennan tambe ta hunga un rol den e stress cu nan ta experencia, ademas di e hecho cu media social tambe ta distrai nan for



di trabao.” E investigadonan tambe a nota un aumento den ausencia psicologico relata na trabao, special entre hobennan femenino educa. E aumenta ta specialmente visibel den cuidio medico y educacion, unda hopi hende muhe jong ta traha. Den e sectornan aki, e cantidad di empleadonan cu ta experenciando algun of ningun keho di burnout tam-

be a sigui cay den e ultimo añanan. Kehonan di ausencia debi na kehonan psicologico relata na trabao entre trahadonan jong a aumenta un tiki den tur sector entre 2015 y 2022. Na 2021, tabatin un aumenta remarcabel den e sector di IT, posiblemente causa pa e cambionan diripiente den e ambiente laboral debi na e pandemia di coronavirus.

Pregunta frecuente: Mi tin COVID, kico awo?

Departamento di Salud Publico ta ricibi frecuentemente for di ciudadanonan cu ta test positivo pa COVID e pregunta “Kico awo, kico mi mester haci?”

Departamento di Salud Publico kier informa na comunidad cu na momento cu bo persona tin sintomanan respiratorio parecido na griep pa purba distancia bo mes mas tanto posibel for di demas persona. Esaki pa evita di contagia otro persona cu un of otro virus respiratorio. No ta COVID so ta duna sintomanan respiratorio cu por conduci na hospitalisacion, complicacion y asta morto



pero tambe virusnan manera Influenza, Parainfluenza, Rotavirus, Adenovirus y otro-

nan. Den caso cu un persona ta

sospecha cu e por tin COVID e conseho ta pa:

- Haci un zelf test cu ta obtenibel den tur botica. Den caso cu esaki sali positivo isola of distancia bo mes

for di otro hende pa minimo 5 dia te ora cu bo ta sinti bon atrobe.

- Traha for di cas si esaki ta posibel, consulta esaki cu bo dunado di trabou.

- Evita contacto cu personanan cu ta conoci of cu ta bisa cu nan por bira hopi malo si nan haya un virus respiratorio. Usa un tapa boca den caso cu no por evita contacto cu personanan asina (manera por ehempel den caso cu bo mester cuida di un familiar cu ta malo)

- Sigui consehonan general di higiena pa laba man manera laba man frecuentemente, particularmente prome cu come y evita

mishi cu wowo, nanishi y boca cu bo man.

- Sigui consehonan general di higiena ora di tosa of nister

- Percura pa suficiente ventilacion den cas

- Consulta telefonicamente cu dokter di cas pa conseho y tratamiento

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw

Corsou ta lansa proceso di aplicacion pa licencia di weganan di placa online actualisa

(CuraçaoChronicle) - Corsou ta tumando e pasonan pa mehora e maneho y legalidad di su industria di weganan di placa online pa medio di inicia e proceso di aplicacion pa licencia nobo di weganan di placa. Curaçao Gaming Board (GCB) a cuminsa cu e medida aki, cual tin e meta di beneficia e reguladornan den exterior cu ta buscando un miho control riba e operadornan basa na Corsou cu ta ofrece servicio di weganan di placa online ilegal.

E actualisacionnan legislativo

aki tin e meta di habri e caminda pa un industria mas safe, promoviendo su balor den termino largo.

Cuminsando for di 1 di september, Corsou su proceso di aplicacion ta oficialmente den proceso, cu e operadornan interesa ricibiendo acceso na GCB su portal nobo. E portal aki ta ofrece un guia comprensivo pa e aplicantenan, cu informacion detaya tocante e procedura di licencia. E operadornan lo ricibi acceso y notanan di guia pa sigura cumplimiento y un experiencia placentero. Entrega di e aplicacion com-



pleta lo cuminsa den november di e aña aki, dunando e operadornan suficiente tempo pa prepara y entrega nan documentacion pa ser considera. E licencianan existente lo automaticamente transiciona

na e sistema nobo. A causa di esaki, e companianan cu tin sub-licencia existente lo mester bolbe aplica cu e operadornan nobo pero lo ricibi e oportunidad di mantene nan operacionnan activo.

Despues di november, e negoshinan cu entrega aplicacion lo ricibi un licencia provisional, facilitando un transicion facil na e cuadro regulatorio mas estricto. E actualisacion riba e licencianan aki lo complementa e legislacion existente, cu lo permiti un respuesta hopi mas adaptabel na e desafionan cu surgen. Fortalece e proceso di aplicacion pa licencia ta premira di atrae un rango mas amplio di operadornan cu ta interesa den opera dentro di Corsou, cual ta señala un transicion na un sector di wega di placa mas transparente.

No tin prueba cu e politica di asilo Hulandes ta atrae mas solicitante pa asilo

(NLTimes) - No tin evidencia científico cu e politica di asilo Hulandes ta atrae mas migrante y solicitante pa asilo na Hulanda segun un estudio nobo eecuta pa Verwey-Jonker Institute di parti di Ministerio di Husticia y Siguridad.

Cu e facilidadnan di recepcion na Hulanda supuestamente ta atrae mas solicitante pa asilo ta un argumento usa frecuentemente den e debate

di asilo. Por ehempel, VVD tin hopi tempo ta lucha contra permiti e solicitantenan pa asilo cuminsa traha mientras nan procedura ta andando, apesar di e escasez di empleo den varios sector na Hulanda, bisando cu esaki lo tin un efecto atractivo.

Sinembargo, segun Verwey-Jonker Institute, no tin evidencia actual cu e solicitantenan pa asilo ta pensa riba e politica di asilo di Hulanda ora di tuma e decision di



sali for di nan pais di origen. Siguridad tin e influencia

mas significativo riba e decision aki. Guerra, inseguridad

fisico y desasternan natural ta e motibonan principal pa sali for di nan pais y cas.

Siguridad den e paisnan via cual nan lo biaha tambe ta hunga un rol, segun e investigadornan.

Condicionnan inadecua pa e futuro y situacionnan inhumano den e camponan di asilo hopi biaha ta ser nombra como causanan pa e solicitantenan pa asilo sigui move.

Corsou

Presupuesto preliminar pa aña 2024 ta enfrenta incertidumbre

(CuraçaoChronicle) - E Minister di Finanzas mester bolbe ahusta e presupuesto pa loke ta trata aña 2024. Segun Cft, e presupuesto inicial no ta cumpli cu e standardnan delinea den e Koninkrijksbesluit inzake Financieel Toezicht, cual ta e acta di Reino riba

supervision financiero.

Notablemente, e presupuesto tin un multitud di incertidumbre, primeramente pa loke ta trata e refinanciamiento di e sosten di COVID-19 y e resolucian di e problema cu Ennia. E desafionan existente aki a causa cu e Minister



di Finanzas a pospone e entrega di e presupuesto na Parlamento te ora cu e negociacionnan cu Hulanda keda finalisa. Sinembargo,

awo a dicidi cu lo accelera e presentacion di un nota di amienda pa e presupuesto.

E nota di amienda aki lo

mester tene na cuenta e deficitnan anticipa y un carga di debe substancial cu ta premira di bin den e añanan biniero.



Peticion pa aprobacion di un plan di parcelacion na Paraguana conforme art. 33 di e Ordenanza di desaroyo territorial (LRO). E concepto di e plan di parcelacion ta poni pa inspeccion publico na DIP, Sabana Blanco 68, cu reserva di tur derecho cu cambianan por wordo hasi na e parcelacion, durante un luna desde dia 6 september 2023 durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Desaroyo Teritorial, Infraestructura y Medio Ambiente pa medio di e director di DIP.

LOTTO 5 Cuminsando cu 4 florin, bo por gana e suma grandi aki

Afl. 480.000,-

Obtenibel na cualkier rebendedo di Lotto. sorteo ta awe nochi 7:45 pm

HUNGA AWO

QR code and social media icons (Facebook, Twitter, Instagram, YouTube, TikTok)

Polis a ricibi mas cu 700 tip tocante e identidatnan di 22 hende muhe asesina den casonan friu

(NLTimes)—Durante e ultimo lunanan, servicionan di polis di Hulanda, Belgica y Alemania a ricibi mas cu 700 tip tocante 22 mucha muhe y damanan cu supuestamente a ser asesina den e tres paisnan aki. 150 tip tabata tocante casonan na Hulanda, segun un vocero pa polis Hulandes.

Mayoria di e tipnan di Hulanda ta encera e “Heulmeisje”, cual ta referi na un adolescente femenino haya morto den un parking lot banda di e carretera A12 na De Heul, cerca di Maarsbergen na 1976. Polis a ricibi 30 tip

riba e caso aki, cu aproximadamente un tercer considera como “serio,” manera e vocero a bisa. Un investigacion di DNA a ser lansa na augustus pa purba identifica e mucha.

E 22 casonan ta parti di e campaña “Identify Me” cual a ser lansa na mei. E campaña aki ta un esfuerso colaborativo entre forsanan policial na Hulanda, Belgica y Alemania, hunto cu Interpol, pa encurasha e publico pa yuda identifica 22 mucha muhe y damanan cu ta sospecha di a ser asesina y despues bando na den un di e tres paisnan.

E lista di victimanan ta inclui nuebe caso Hulandes y otronan cerca di e frontera Hulandes. Por ehempel, e ta inclui casonan manera De Heulmeisje y e mucha muhe di Teteringen, ken a ser descubri morto den boske di e pueblo na aña 1990.

Pa e campaña, hende muhenan famoso den e tres pais Europeo a haci un video colectivo den cual nan a apela na publico y a comparti informacion tocante e hende muhenan asesina. Pa Hulanda, cantante y actriz Carice van Houtena participa.

Na mei, net despues cu a lan-



sa e campaña, a ser reporta cu mas di 200 tip a ser entrega na polis den e tres paisnan participante tocante e casonan. E cantidad a aumenta desde

e tempo ey. Polis ta investigando profundamente tur tip “di A te Z” pa controla nan, e vocero a declara.

Volt kier cambia e sistema Hulandes “radicalmente”

(NLTimes)—Tin un necesidad di cambianan radical pa resolve e crisis andante, segun partido Volt. Politica di clima, e sistema socioeconomico y e sistema di democracia tur mester di cambianan grandi cual mester tuma luga bao di e umbrella Europeo, segun e programa di eleccion di e partido a presenta diamars.

Esaki ta necesario pasobra decisionnan a ser posponi pa mucho tempo caba, segun e partido. “Ta tempo ta cambianan sistematico grandi cu ta resolve e crisis y pinta un potret radicalmente positivo pa e futuro, pa asina hende bisa ‘mi no por warda pa 2050’,” e lider di partido Laurens Dassen a bisa. “Tribi di haci decisionnan, esey ta loke esaki ta trata.”

Pa haci Europa clima-neutral pa 2040, “excesivonan” manera jetnan priva lo mester ser prohibi. Fabricanan di polucion mester cera te ora cu haci nan sostenibel y lo funciona bao impuestonan mas streng. Ademá, mester ta prohibi pa desplega produccionan no uza of no bendi. E partido kier “bisa ayo na e



mundo bieu.”

Volt ta aboga pa “un perspectiva radicalmente diferente riba humanidad,” unda confiansa y e dimension humano ta central. E partido ta kere cu asistencia social y e minimumloon mester ser aumenta. Como parti di nan vision pa seguridad social, Volt ta propone e introduccion di un salario basico, cual por reemplasa beneficio y subsidionan. Nan ta yama pa

un pordon nacional riba debenan pa “hendenan bibando den pobresa y hende cu debenan problematico.”

Den e perspectiva di Dassen, democracia mester di un upgrade pa cuadra cu siglo 21. Pa logra esaki, e partido ta sugeri pa aumenta influencia civil por medio di establece un Consejo di ciudadano permanente. Tambe nan ta abogando pa amplifica e bosnan di hobennan por medio

di baha e derecho di voto na 16 aña di edad.

Volt ta kere cu e medidanan aki mester tuma luga dentro di un Europa federal y democratico ekipa cu su mesun forsanan arma. Segun e lider di partido, un Europa fuerte ademá di podernan grandi manera China y Merca ta e unico manera pa garantisar “nos seguridad, seguridad social, y un futuro berde.” Volt a ser representa den

Tweede Kamer desde 2021. E partido a gana tres asiento den e eleccion parlamentario e aña ey, Manera hopi partido jong, el a enfrente su pida di problema interno. Aña pasa, e partido a expulsa Nilüfer Gündoğan for di su fraccion parlamentario despues cu reportahenan di comportacion transgresivo a cuminsa dreña.

E partido a gana dos asiento den e eleccion di Senado na maart.

Calor ta contribui na morto di migrantenan na frontera entre Mexico y Merca

(The New York Times) - Durante e zomer, pa varios dia, e temperatura a mantene na 37 grado of mas. E calor ta sofocante pa hopi hende na Texas y mortal pa otro manera e migrantenan cu ta biaha den e tera cayente aki pa evita cu nan por ser detecta pa agentenan di e patruya fronteriso.

E aña aki a crusa menos persona for di Mexico cu aña pasa, na 2023 a registra caba mas di 500 morto, confirma pa loka agentenan di frontera sur a haya mientras nan ta haci nan patruyahe. 2022 tabata un di e añanan cu mas



morto unda nan a confirma 853. Monitoreo di e fayecimento di inmigrantenan ta un ciencia cu no ta perfecto. Hopi di nan ta hoga mientras nan ta purba crusa e 'Rio Bravo',

otronan no ta soporta e calor inmenso di desierto of falta di awa y nan morto ta atribui finalmente na deshidratacion, insolacion of hipotermia. E calor di zomer aki combina cu un humedad sofocante, a

contribui na hopi di e mortonan, segun autoridadnan local y federal a señala. Gruponan como Derechos Humanos del Sur de Texas cu ta duna siguimento na rapportnan di migrantenan desaparecido, deteni of haya morto, a mira un aumento den number di casonan for di zomer, di 118 caso na maart cu a bira dobel na juli y augustus ultimo. Patruya fronterisa a publica advertencianan riba rednan social "Temperatura extremo a contribui cu 45 individuo a ser rescata y dies individuo a muri debi na calor y condicionnan," director di agencia a skirbi riba e red social X.

Incluso e migrantenan cu ta logra crusa e riu y ta cana ta enfrenta dificultadnan, manera gruponan di contrabanda, na unda hopi migrante ta tuma rutan cu hopi riesgo pa evita un punto di control di patruya fronteriso sin suficiente cuminda y awa pa soporta e caminda di un dia canando. E cadavernan di esnan cu no ta sobrevivir ta ser manda na mortorio local, y tin biaha, ta dera nan den graf sin nomber. Algun di nan ta ser manda na laboratorionan pa examina nan y determina con nan a muri.

Colombia: Presidente Petro ta nenga cu ta padece di Asperger Syndroom manera su ruman homber ta sigura

(NTN24) - Presidente di Colombia Gustavo Petro dialuna ultimo a desmenti e declaracionnan di su ruman homber, Juan Fernando Petro, ken ta sigura cu e mandatario hunto cu su persona, a ser diagnostica cu Asperger Syndroom for di tempo nan tabata hoben.

Petro a traves di un mensahe riba e red social "X" a reitera cu e no a ricibi e diagnostico ey y a splica cu tabata na 1994 cu e condicion aki a ser diagnostica pa prome biaha. "Tin cosnan cu mi no ta comprende entre prensa y

mi famia. Pero esaki a laga mi boca habri." E hefe di Estado Colombiano a skirbi. "Algo ta pasa cu mi ruman. Hamas mi a ricibi un diagnostico pa Asperger Syndroom. Ta imposibel cu nan por a diagnostica esey na nos ora nos tabata mucha pasobra e condicion ey a ser diagnostica na 1994 ora mi tabatin 34 aña di edad y a sali for di e tratadonan di diagnostico na 2013, pasobra e ciencia a rechasel'e como un malesa specifico," el a agrega. Durante un entrevista den e programa Los Informantes, Juan Fernando Petro, a sigura cu e diagnostico a ser haci

ora nan tabata hoben. "Ora nos tabata hoben, nos tabata personanan hopi leuk. Ora adolescencia a cuminsa tabatin un cambio grandi den su persona y den mi. Mi tata a hiba nos na psicologo y e psicologo a bisa cu nos tabatin e syndroom di autismo: Asperger", Juan Fernando Petro a bisa. "Tin momentonan cu nos por ta cu 10.000 persona, pero di un momento pa otro, nos no t'ey mas, aunke nos ta fisicamente. Den caso di Gustavo ainda e ta mas intenso cu esun di mi." E ruman homber di e mandatario a destaca.



E palabranan aki di e famia di e presidente a agita e debate cu cuestionamento di parti di oposicion pa estado di salud di e mandatario, debi na in-

cumplimento constante di su agenda oficial y ausencia polemico na compromisonan importante di su labor.

Guatemala: Giammattei a entrega propuesta di transicion na presidente eligi Bernardo Arevalo

(NTN24) - Gobierno di e presidente di Guatemala Alejandro Giammattei dialuna ultimo a cuminsa e transicion politico pa e tuma di poder di e mandatario eligi, Bernardo Arevalo, di 54 aña, ken a sali victorioso den e segundo buelta dia 20 di augustus ultimo.

Cu e presencia di secretario general di Organizacion di Estadonan Americano (OEA) Luis Almagro, como testigo y garante, e dos lider politico e sostiene un prome encuentro pa discuti e schedule, metodologia y topiconan cu ta bay trata durante e cuatro luna prome cu e tuma di pos-

esion na 2024. "E pueblo a nombra esnan cu ta bay tuma e mando di e pais stima aki for di 14 di januari di otro aña. Dokter Arevalo ta bay ta e proximo presidente di Guatemala," Giammattei a sigura. E cita a tuma luga memey di un persecucion politico cu Arevalo a denuncia varios biaha di loka el a sigura cu tabata un intento di Fiscalia pa suspende su partido Movimiento Semilla y asina impedi cu e lo asumi e poder na 2024. "E transicion aki ta demostra cu nos ta avansando den desaro y mester sirbi pa e institucionnan cu ta mantene un actitud di presion y acoso pa

sigui ehemplo di e presidente Giammattei," e mandatario recién eligi a indica. Dialuna ultimo den un conferencia di prensa, despues di e reunion Arevalo a bisa cu ta bay analisa e propuesta di Giammattei pa organisa e schedule di trabou pa transicion di e mando. "Tin un serie di preguntanan y posibel dificultadnan cu ta bay aclaria den proximo simannan, te ainda ta persisti e menasanan di accion hudicial y esaki ta presenta un marco di duda y incertidumbre tocante e proceso di transicion," e embajador di Guatemala na Merca Francisco Villagran a bisa di e encuentro aki.



Haiti: A rindi homenahe na centenares di persona asesina pa e bandanan criminal

(DiarioLibre) – Diadomingo ultimo a rindi homenahe na Puerto Principe na centenares di victimanan mortal di e gruponan arma, entre nan esnan di e matansa di e bario Canaan, cu tabata purba expulsa un grupo arma cu a ataca nan, matando decenas di persona.

“Nos a reuni pa rindi un homenahe bon mereci na tur e mortonan den e masacrenan di Carrefour-Feuilles Rosemberg, Tabarre y Martissant, sin lubida e mortonan den e matansa di Canaan,” e profesor Patrice Celestin, secretario general di un grupo yama Resistance pour Haiti, a declara.

Dia 26 di augustus varios centenares di fielnan di e iglesia evangelico Piscine de Bethesda a dicidi di expulsa e banda arma di Canaan di su lugar. Varios decena di nan a keda asesina, herida of a keda kima na bida, mientras cu otro nan a keda secuestra pa e delincuentenan.

“E tabata un acto di balentia pasobra e personanan aki a enfrente e bandanan cu tabata

terrorisanan. Na tur esnan cu a keda asesina nos ta bisa nan bay na paz, pero cu e bataya ta sigui pasobra nos ta decidido na enfrente Ariel Henry (Prome Minister Haitiano) y su delincuentenan,” Celestin a agrega.

Mirando e suspension di e igleia di e pastor Marcocel Zidor, alias Marco, ken a convoca su suiguidornan na un marcha cu a dirigi na unda e bandidonan arma tabata situa, no a produci ningun avance importante den e caso, desde cu e Polis Nacional di Haiti a anuncia e apertura di un investigacion.

E pastor Marco a keda invita na dos ocasion pa aparece den tribunalnan, pero no a haci esaki.

Sin descarta e responsabilidad cu e culpabelnan di berdad ta e autoridadnan pasobra nan ta esunnan cu meter proporciona e seguridad na e poblacion.

“Nos tin un estado cu a fracasa den su mision. Un Estado moribundo. Un Estado cu ta scoge masacra su mesun pueblo pa permiti cu e



stranheronan ta bin mancha e suela di e tata fundador di nos nacion, y pa permiti cu e stranheronan horta nos subsuelo,” a profesor a afirma na EFE.

E famialiarnan di e victimanan ta culpa e pastor Zidor pa organisa e marcha den cual, segun un nota emiti dos dia despues pa e polis nacional, siguidornan di e lider religioso a participa cu e supuesto obhetivo di expulsa e miembronan di e banda lider pa Jeff, di e bario capital di Ca-

naan.

Centenares di suguidornan di e religioso a tuma parti den e manifestacion, bisti cu t-shirt den cual por a wak e logo di e grupo religioso, mientras cu otro personanan, e comunicaco ta indica, tabatin uniform berde y tabata arma cu machete y armanan di candela.

E polis a sigura cu nan a purba di stop e marcha, pero cu hopi di esnan cu tabata participa den dje a chercha e operativo y a dreña e zona con-

trola pa e banda arma.

E ONG Fondasyon Je Klere a condena e reciente aumento di e yamadanan di violencia di parti di e ciudadanonan pa subsituti e forsa di ordo mirando e indiferencia total di e autoridadnan y memey di e deterioro di seguridad.

E bandanan ta cobra cada biha mas poder na Haiti y ta controla e parti mas grandi di Puerto Principe y alrededor, sembrando terror a traves di asalto, asesinato, viola-

Venezuela: SOS Orinoco ta denuncia persistencia di minería ilegal na e Amazonia Venezolano a pesar di accion militar

(ElNacional) – E organizacion no gubernamental SOS Orinoco a denuncia ayera diamars e persistencia di e minería ilegal den e region amazonico di Venezuela a pasar di e cantidad di operativonan militar di e ultimo lunanan, segun cual mas di 11.300 persona a wordo expulsa di e zona aki door cu nan tabata dedica na extraccion ilicito di mineralnan.

Den un boletin, e ONG a sigura cu na e Parke Nacional Yapacana, ubica na e estado Amazonas, ainda tin areanan significativamente grandi den cual ta permanece intacto un cifra indetermina di minanan.

Na e parke aki, den cual e Fuerza Armada Nacional Bolivariana (FANB) a centralisa su esfuersonan desde dia 1 di juli, ora cu e gobierno a duna ordo na e militar nan pa haci



limpi e teritorio di minería ilegal, e ONG a detecta 3.316 hectaar di minanan ilegal.

“Miles di minero ta sigui opera na Yapacana, aworaki, segun nos a conoce, bao e con-

trol completo di e Forsanan Arma Venezolano, cu algun sector unda cu e Forsanan Arma ta permiti e indigenanan continua cu e minería ilegal,” e organizacion ta sigura. SOS Orinoco ta considera cu

FANB, cu a traves di rednan social ta publica diariamente avansenan den nan operativonan militar na e Amazonia, ta busca crea e ilusion di exito mientras cu e minería ta persisti a traves di medianan

alternativo.

“E expulsion di mineronan ilegal no ta suficiente. Mester establece responsabilidnan administrativo y penal pa tur e complicenan cu a permiti e situacion aki durante añanan largo, incluyendo e auotridadnan civil y militar cu a facilita e homicidio ecologico aki y a bira rico a traves di asociacionnan cu gruponan arma,” e texto ta conclui.

E comandante strategico operacional di FANB, Domingo Hernandez Larez, a indica diamars cu a subi na 11.302 e total di mineronan ilegal expulsa for di e Amazonia.

E gobierno a ratifica cu una bes nan termina cu e expulsionnan, lo pone cana un plan di reforestacion specialmente pa mitiga e dañonan causa pa e uso di mercurio den e teritorionan aki.

Prensa a canta hunto cu Aruba Bank

Celebracion di Dia di Prensa cu hopi ambiente

Recientemente Aruba Bank a celebra di Dia di Prensa na Esperantos Aruba dia 31 di augustus, 2023.

E evento, cu su meta pa celebra hunto cu miembronan di prensa, pa bisa danki y refleha riba e importancia di e rol importante cu cada un miembro tin den nos comunidad. E celebracion di Dia di Prensa tabata un dia pa recorda, cu e oportunidadnan pa conecta cu otro den un seno amical.

Representantenan di banco y miembronan di prensa a haya e oportunidad pa conecta di un manera of otro door di canta a la karaoke style, por a disfruta di un ambiente festivo cu a sigura un experiencia memorabel pa tur presente.

E ganadornan di e anochi a keda den persona di Julisa Hoevertsz (Karaoke Champ), Larissa Bermudez (Crowd Entertainer) y Seever Krozendijk (The Window Breaker).

Aruba Bank ta orguyoso di por a organisa otro evento pa celebra Dia di Prensa. Nos kier a yama danki na tur esnan presente cu a haci e evento aki uno exitoso.



Marianyela Perreira a gradua como Bachelor den Organization, Governance and Management (OGM)

Diaranson dia 19 di juli 2023, Marianyela Pereira a defende su tesis exitosamente y a obtene su titulo universitario di e programa Organization, Governance, and Management di Universidad di Aruba. Marianyela a defende su tesis dilanti di e comision di graduacion cu tabata consisti di decano di e Facultad di Arte y Ciencia dr. Mieke de Droog, Sra. Nadia Dresscher, Sra. Birgit Kreykenbohm y director di ATIA Sr. Herrick Henriquez. Ademá tabata presente famia y invitadonan di Marianyela.

E titulo di Marianyela su tesis ta "The Impact of the measures imposed by the Aruban



government to contain the COVID-19 virus as experienced by owners and managers of SME's (Small and Me-

dium Enterprises) and Large organizations". Marianyela a enfoca su estudio riba medidanan implementa dor di

gobierno y con nan a afecta negoshi durante e pandemia.

Marianyela su motivacion pa cu e topico aki ta pa comprende den mas detaye e impacto cu e pandemia tabata tin riba negoshi y con nan a logra surpasa e obstaculonan economico y social cu esaki a trece. Pa logra esaki Marianyela a entrevista doño y gerente di algun organisacion na Aruba extensivamente y asina a logra deduci e medidanan cu a haci e impacto mas grandi riba e organisacionnan. A base di e resultadonan di e investigacion a propone varios recomendacion den caso cu un situacion similar bolbesosode.

Un palabra di gratitud ta bay na e coleganan di Univer-

sidad di Aruba, e docentenan di e departamento di OGM, e participantenan di e estudio y esnan pafo di Universidad di Aruba cu a contribui den un manera of otro den e logro aki.

Pa mas informacion tocante e estudio OGM, bishita e website di Universidad di Aruba na <http://www.ua.aw/ogm>, e pagina di Facebook @UniversityofArubaOGM y e pagina di Instagram @ogm_ua.



Comision di HVT contento cu a logra yega 100 team

Torneo di Beach Tennis di HOH yena di competencia fuerte y ambiente!



No ta prome, sino ta di tres aña caba cu comision di Hulpverlenerssteam (HVT) di Horacio Oduber Hospital di ta organisa e competencia di Beach Tennis. E team di HVT ta conta cu un lista largo di boluntarionan na HOH, cu ta semper cla pa brinda extra sosten, banda di nan trabou regular den hospital, na momento di emergencia of calamidad.

Nan ta entrena constantemente pa ta cla si encaso surgi un calamidad of emergencia y e biaha e training a bay compaña cu ambiente, colegialidad y cometenencia fuerte na e torneo di Beach Tennis. Un evento super bon organisa danki na coleganan Barbara Poelmann, Milka Wernet y Ilse de Cuba.

Barbara Poelmann, miembro di e comision HVT y un di e motornan tras di torneo di Beach Tennis, a indica cu e ta super contento paso tabatin mas cu 100 hende cu a inscribi e aña aki compara cu aña pasa unda un total di 68 hende a inscribi. Tabatin oportunidad pa inscribi den diferente categoria y diferente nivel, esta teamnan mix y categoria fun y mas avansa. Por a ripara tambe cu cu e

aña aki mas hende a bay mira e weganan pues hopi colega a yega pa duna sosten na otro. Por ultimo, Barbara Poelmann a gradici tur esnan cu a inscribi pa participa den e campeonato y ta spera cu otro aña mas hende por inscribi y join actividadnan deportivo.

Ingmar Ramharakh, di Departamento LABHOH, ta contento cu nan team a resulta e campeon di categoria Fun Mix. "Nos a hunga alrededor di shete wega pa por yega final y nos a gana tambe. Loke ta haci nos team special ta cu mi a hunga cu mi ruman Saskia y hunto nos ta forma un bon team y nos a bay cu e trofeo di campeon!", Ingmar ta termina bisando cu un sonrisa.

Nefrologo Romeo Kock tambe tabata un di participante den e torneo di Beach Tennis. Kock a comenta cu Departamento di Dialyse tabatin un total di 5 team inscribi. Nan tur tabatin hopi gana y entusiasmo pa participa den e weganan di e aña aki. "E tipo di actividadna asina ta trece hopi ambiente y ta crea un "band" entre e diferente gruponan di HOH. E actividad tabata uno hopi gezellig ya cu tur hende por a topa y papia cu otro pafo di trabou",

asina dr. Kock ta conta. Un pabien na tur cu a bay cas cu premio despues di a bataya fuerte contra otro.

Danki na tur cu a participa y a pasa apoya durante e tremendo evento aki. Tambe un danki di curason na Hunta

di Directiva di HOH cu un bes mas a sostene e actividad aki organisa pa comision di HVT.

JOIN OUR TEAM

UTILITIES ARUBA^{NV}

Group Finance Manager

Send your cv to:
Sollicitaties@utilitiesarubanv.com
Deadline: September 15th, 2023

Cantidad di tera riba caminda causa di accidente frontal na Jaburibari



Dialuna atardi a drenta informe di un accidente cu hende herida riba e caminda panort di Parke Curason Jaburibari, mesora a dirigi tanto polis como ambulance na e sitio.

Na yegada di e patruya a bin compronde cu tin masha hopi tera ambos banda di caminda cu ta confundi chauffeurnan y net na un birada. E auto bayendo pabao di ripiente manera a mira e auto contrario a primi brake y e tera a manda e auto memey

di caminda mientras e auto contrario tambe a brake y tambe a bay stret den e bocht mandando e auto bay dal den e otro. Debi na e impacto un persona a resulta levemente herida. Na yegada di e ambulance nan a atende e victima na e sitio.

Despues di algun dia ta pleita hasta den madrugada, polis a impedi homber agredi muher cu martiu



Dialuna mainta a drenta informe di un pelea riba caya cu martiu den man na Madiki, mesora a dirigi patruyan na e sitio.

Na yegada di e patruya polis a impedi lo peor y a kita

martiu for di e homber su man. Cu esaki e homber kier a agredi e dama, e problema entre e pareha aki tin varios dia andando y ta escalando pio cada biaha. E biaha aki si porfin (ban spera berdad e dama entrega keho contra

e homber) polis a detene e agresor y a pidi e vehiculo di transporte bini na e sitio. Na yegada di e vehiculo di transporte a hiba e agresor warda di polis.

Skirbi pa Robert Arends Tocante adulto mayor

Loke Aruba falta ta:

- Un inventarisacion detaya (pa grupo di edad/hende homber y muhe) di e cantidad di adulto mayor updated pa aña;

- E cantidad den cas di cuido, bou cuido di famia y riba propio cuido;
- Un inventarisacion (personal) di kico e adulto mayor mes ta pensa y desea ("Stakeholders" tin otro interes).
- Un inventarisacion di cuanto adulto mayor ta cu-



bri propio gasto y cuanto ta cay (ful of parcial) riba cuenta di Gobierno.

Sin cifra concreto no por yega

na decision y resultado satisfactorio. Un encuesta bou di adultonan mayor mes lo por yuda?

Chauffeur a core bay na pia lagando auto cu yabi y pertenencianan despues di a bay dal tras di un auto na Catiri



Dialuna atardi a drenta informe di un accidente hit & run dilanti Eumar na Catiri, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Honda CRV cu 2 diferente plachi number dilanti y patras no a regula su velocidad ni a man-

tene distancia a bay dal tras di un Kia Sportage. Den e impacto afortunadamente ningun hende a resulta herida. Despues di e impacto e chauffeur di e Honda a baha for di e auto lagando e yabi na e switch y algun otro pertenencianan, el a core bay na pia direccion nort. Polis a core busca rond pero no a encontra cune.

Skirbi pa Robert Arends Ta asina dificil?

Pa e articulo aki e atencion ta dirigi riba Gobierno, riba companianan (WEB/ELMAR/SETAR/etc.) y riba Fondonan di Pensioen (VB/APFA etc.) relata na Gobierno y tur nan empleado/beneficiado nan.

Kico ta e punto principal? E punto principal ta: con pa baha/scapa gasto y facilita cobramiento/pagamento di cuenta di moda cu por baha gastonan pa pueblo. A pesar cu ta trata di un doño (gobierno), toch cada instancia ta funciona, riba su mes y los di otro, sin tene cuenta of coopera cu otro.

Kico ta e propuesta? Habri e posibilidad, mescos cu ora ta kita belasting/prima for di salario/pensioen, pa —di forma boluntario—por paga/kita tambe otro cobransanan (relata na Gobierno) for di salario/pensioen di e empleado/pensionado.

Kico ta logra? Empleado/pensionado lo no mester paga gastonan di banco (bankkosten)

pa paga e cuantanan ey mas;

- E placa ta keda administrativamente den e circuito di Gobierno y no tin cu bay via banconan;
- E transferencia di placa entre e instancianan no ta bay individual pero den grupo/totalidad;
- E pago via salario/pensioen ta un pago sigur cu ta facilita Gobierno, su instancianan y e empleado/pensionado.

Aruba, como pais chikito, mester probecha di e situacion pa instancianan relata na Gobierno traha di forma mas practico cu otro pa por logra baha gastonan y asina cobra e ciudadano menos. Haci bida mas facil y barata!



Accidente frontal cu hende herida riba L.G. Smith Boulevard

Dialuna mainta a drenta informe di un accidente cu hende herida pazuid di e ambstwoning (ex-cas di Gobernador), mesora a dirigi tanto polis como

ambulance na e sitio.

Na yegada di e patruya a bin compronde cu aki ta trata di un accidente frontal entre 2 Honda. Debi na e impacto

un persona a resulta levemente herida. Na yegada di e ambulance a revisa e victima na e sitio mes.



Homber y jetski perdi riba lama

E Centro Operacional Maritimo (MOC) di Wardacosta, diabierna ultimo a ricibi un notificacion cu un persona cu lo a huur un jetski na Aruba, un turista hende homber, lo ta perdi riba lama.

MOC mesora despues di e notificacion a dirigi e avion di Wardacosta, e helicopter di Wardacosta y un Metal Shark pa e sitio caminda e persona

y e jetski por tawata. Unidadnan di Wardacosta hunto cu e helicopter di Cuerpo Policial Aruba a busca e homber y e jetski te diabierna parti anochi, sin resultado positivo. Henter fin siman Wardacosta a laga su unidadnan di pueblo y un boto di patruya haci e buskeda di e homber y jetski. A base di un plan di buskeda y rescate y un asina yama 'search box' riba lama, unidadnan di Wardacosta a

sigui cu e buskeda. Tambe un informacion di Navtex a ser manda pa botonan den e area cu e mensahe cu Wardacosta ta buscando un homber perdi y un jetski, cu e peticion pa botonan tira un bista riba lama. Wardacosta te cu diadomingo atardi no a localisa e homber ni e jetski y e dianan binidero lo mantene vigilancia riba lama pa cu e homber y lo keda monitoria e situacion.

Mucha di 13 aña a cay for di brug

Dialuna merdia a drenta informe di cu un hende lo a cay for di brug banda di MFA Santa Cruz. Mesora a dirigi tanto polis como ambulance na e sitio.

Na yegada di e patruya a bin compronde cu un mucha di 13 aña lo a cay y kibra su man. Na yegada di e ambulance nan a atende cu e mucha y a hib'e hospital.



Polis a bay Sero Biento pa un accidente hit & run dilanti apartamento

Dialuna mainta a drenta informe di un accidente hit & run dilanti un complejo di apartamento na Sero Biento, mesora a dirigi un patruya na e sitio.

compronde cu un chauffeur a bay dal un auto staciona dilanti e complejo di apartamento y a keda sin avisa di esey. Polis a tuma nota y a keda di investiga e accidente aki.

Na yegada di e patruya a bin

Polis a detene chauffeur bao influencia cu tabata coriendo malo

Diadomingo anochi durante patruya polis a nota un auto cu lo a tuma un bocht straño na rotonde Piet. Mesora polis a para e auto aki.

Polis a sospecha cu e chauffeur

lo tabata bao influencia y a pone hash e alco-test. E chauffeur a pasa e limite y mesora polis a detene e chauffeur. Vehiculo di transporte a hiba e detenido pa Warda di Polis.



Proyecto di AI ta crea cara adulto di muchanan cu a desaparece durante Argentina su dictadura militar

(AP) - Si un baby a ser kita for di su mayornan 4 decada atras durante Argentina su dictadura militar, con e persona ey lo muestra awe?

Publicista Argentino Santiago Barros tin tempo ta purba contesta e pregunta aki usando inteligencia artificial (AI) pa crea imagen di con e muchanan aki lo muestra como adulto. Casi tur dia, Barros ta publica e imagennan aki riba un cuenta di Instagram yama iabuelas, cual ta un combinacion di e palabra IA y abuela, tuma for di e grupo conoci Abuelas de Plaza de Mayo, cual ta un grupo cu ta busca muchanan desapareci.

“Nos a mira e potretan di mayoria di esunnan cu a desaparece, sinembargo nos no tin potret di nan yiu nan ni tampoco di e yiunan cu a ser horta,” Barros a conta The Associated Press. “Esaki a impacta mi, e hecho cu e hendenan aki no tin un cara.” Durante Argentina su dictadura sangriento di 1976 te aña 1983, oficialnan militar a ehecuta e robo sistematico di babynan. E babynan aki hopi biaha tabata ser cria pa e famianan relaciona cu e dictadura, of esunnan kende su ideologia ta aline cu esaki.

Pa medio di usa un aplicacion yama Midjourney, Barros ta combina potret di e mayornan cu a desaparece for di e archivo publico di e website



di Abuelas, creando imagennan di e posibel cara di e muchanan aki como adulto awe. Pa cada combinacion, e aplicacion ta muestra dos posibilidad femenino y dos posibilidad masculino. Despues Barros ta scoge e imagen di cada genero cu ta muestra mas realistico.

E proyecto aki no tin e meta di reemplasa e esfuersonan di e grupo cu ta identifica e muchanan via test di DNA. Na luga di esaki, Barros ta splica cu su meta ta di conscientisa e personanan cu tin mas di 46 aña di edad cu posiblemente tin duda tocante nan origen y pa sirbi como un recordatorio di e mas di 4 decada cu e grupo tin ta dedica na localisa e muchanan aki.

Abuelas de Plaza de Mayo ta calcula cu mas o menos 500 muchanan a ser kita for di nan mayornan durante e dictadura. E grupo a localisa 133 nietonan via e analisis genetico.

E grupo ta aprecia Barros su iniciativa como un manera pa conscientisa pueblo tocante e muchanan cu a ser horta of secuestra durante e dictadura. Pero tambe ta adverti cu e unico herment cu no tin fayopa relaciona e personanan aki cu nan familiar y nan origen ta via test di DNA cu ta sigui keda ehecuta pa e banco di dato genetico nacional.

Ademas di traha cu potret di e archivo di e grupo aki, Barros tambe ta haci uso di e material fotografico cu e partidonan

interesa provee.

Den algun caso, e personanan cu tin acceso na iabuelas a ripara cu e imagennan tin e tendencia di ta basa riba un standard, cual ta trece dilanti preguntanan tocante con cerca esaki ta di realidad. Sinembargo den otro casonan, e familiarnan buscando famia perdi a keda impacta pa con similar nan ta na e famianan.


Desde cu Barros su iniciativa a lansa, te ainda no tin caso unda un adulto a mira su mes den un di e imagennan aki y a cuminsa un proceso formal di identificacion. Tur e imagennan di e mayornan cu a desaparece y nan posibel yiu ta keda publica riba e cuenta di Instagram cu un nota unda ta specifica cu iabuelas ta un

“proyecto artistico cu no ta oficial” y cu e resultadonan genera pa e inteligencia artificial posiblemente no ta realistico.

Pedro Sandoval, un nieto cu a keda identifica den aña 2006, a elogia Barriso su iniciativa prome, pero despues el a dicidi cu esaki ta imperfecto pa motibo cu e ta depende hopi riba “un standard” di persona cu rasgonan Europeo. Su mama, Liliana Fontana y su tata Pedro Sandoval, ta entre e 30,000 persona perdi cu e organisacionnan humanitario a conta.

Barros a admiti cu e aplicacion por tin fayonan, pero tambe a nota cu hopi di e personanan cu a desaparece tabatin familiar Europeo, den un pais unda tin un inmigracion fuerte di Europa. Pa loke ta trata e welanan, nan no kier pa e campaña di AI crea expectativanan falso pa e personanan cu mira similaridadnan cu e imagennan genera, pa e motibo aki nan ta urgi pa no tuma esaki como un berdad of hecho.

“E ta un campaña cu ta muestra simulacion di posibel cara di yiunan di e personanan cu a desaparece, pero nos sa cu hende ta hopi mas cu solamente 50 por ciento di nan mayornan y cu e aplicacionnan stranhero ta crea cu genotipo di nan poblacionnan,” e grupo a bisa den un declaracion. “Pa e motibo aki, e resultadonan no ta un hecho ni realidad.”



Campeon Belga Antwerp ta introduci Wijndal pa fortalece defensa prome cu e campaña di Champions League

(AP)—Campeon Belga Antwerp a introduci hungado Hulandes, Owen Wijndal, den nan team riba un prestamo for di Ajax te na final di e temporada prome cu e campaña di Champions League. Antwerp a derota club Griego, AEK Athens, luna pasa den un wega pa dren-ta den etapa di grupo pa prome biaha. E club a ser poni den Grupo H hun-to cu Barcelona, Porto y Shaktar Donetsk. Wijndal a uni cu Ajax, unda el a hunga 28 wega e ultimo temporada pero no tabata parti di e plannan nobo di coach Maurice Steijn. Antwerp tabatin mester di

mas defensa specialmente despues cu ex-hungado internacional Toby Alderweireld a haya un herida na su schouder contra Athens cu lo sac'e for di e torneo pa varios siman. Ex-hungado Hulandes, Marc Overmars, ken a ser apunta como director di deporte na Antwerp aña pasa un par siman despues di a retira for di Ajax, supuestamente a hunga un rol importante pa sigura e servicicionan di Wijndal. Overmars tabata forsa pa bandona su rol como direc-tor di deporte na Ajax y a pidi disculpa pa su comporta-mento despues di e admiti di manda mensahenan inadecua na coleganan femenino. Wi-

jndal a haci 11 aparencia cu e team nacional Hulandes. Su contract cu Ajax ta core te dia 30 di juni, 2027. Antwerp a gana su prome titula di liga Belgico desde 1957 na juni riba un dia final dra-matico di e temporada. Ant-werp tambe a gana e ultimo temporada di Copa Belgica, haciendo e club e di cinco den historia di futbol Belga pa sigura e dobel victoria. E club a tuma parti den e Copa Europeo na 1957-58 pero nunca a cualifica den e Liga di Campeonnan. Su logro principal riba e esce-nario Europeo tabata cualifi-cando pa e final di Copa Eu-ropeo, perdiendo 3-1 contra Parma.



(AP)—Chauffeurnan di Formula One a uni cu e hungadonan campeon di futbol pa inverti den un fondo di 54 milyon dolar lansa diamars cu lo

uza nan conseho pa bus-ca metanan relata cu de-porte.

Chauffeurnan Carlos Sainz y Lando Norris ta inversor-

Chauffeurnan di F1 Sainz y Norris ta uni cu hungadonan di futbol pa apoya y conseha fondo di 54 milyon dollar di inversion

nan den e Elite Performance Fund cu ta diseña pa specialisa den tecnologia y media di deporte, participacion di fanaticonan y nutricion. Defensor pa Manchester Unites, Raphaël Varane, ken ta un ganado den e Copa Mundial na 2018 cu Francia, y João Mário di e team Portugues ganado den e Campeonatonan Eu-ropeo tambe ta inversornan cu gerente di fondo APEX. “Mi tin basta tempo ta in-verti den startups,” Varane

a bisa den un declaracion, agregando cu e tin e meta pa “comparti mi experiencia di inversion cu otro atleta y siña di nan.” Tom Brady a participa tambe den e trend di inversionnan di atleta den e industria di de-porte luna pasa. E campeon di NFL supuestamente tin un stake den un club di fut-bol Ingles di segunda clase, Birmingham, por medio di uni cu e compania cu ta doño di e club, esta Knighthead

Capital Management. APEX tambe tin inversion for di e colega di Varane, Christian Eriksen, defensor Belga Jan Vertonghen y hun-gado Hulandes Daley Blind. “Atletanan no ta solamente nos fuente di capital—nan ta nos partner,” Hefe Ehecutivo di APEX, António Caçorino, a bisa. “Nan ta influencia nos decision cu perspectivanan for di nan deporte respec-tivo.”

(AP)—Djokovic, un hun-gado di Serbia cu 23 titulo di Grand Slam, lo mester gana dos hungado Meri-cano na e US Open si e kier hunga den loke lo ta su di dies final na Flush-ing Meadows diadomingo binidero. Esey ta paso e lo mester a enfrenta top hungado number 9, Tay-lor Fritz ayera, mientras cu hungado number 10, Frances Tiafoe, a enfrenta Ben Shelton den un otro wega.

Fritz, Tiafoe y Shelton a duna Merca tres hungado mas-culino den e ocho final na e US Open desde 2005, ora Andy Roddick, James Blake y Robby Ginepri a logra esaki. E titulo di Roddick na e US Open di 2003 tabata e ultimo campeonato singular pa un hungado Mericano mascu-lino. Fritz ta un atleta di 25 aña di

California, Tiafoe tin 25 aña tambe y ta bin for di Mary-land, y Shelton ta un hun-gado di 20 aña cu a gana e titulo di NCAA na 2022 pa Universidad di Florida. E hungadonan femenino Mericano a disfruta di mas exito den e ultimo dos deca-da, danki mayormente na e rumannan Williams, pero tambe tabatin titulonnan gana pa Sloane Stephens y So-fia Kenin. Dos hungado fe-menino a yega na cuarto final e biaha aki: Coco Gauff, un finalista na e French Open 2022, y Madison Keys, ken a logra mesun leu na e US Open na 2017. Esey tabata e ultimo aña unda tabatin un total di cinco hungado Mericano den e cu-arto final na New York—y e tempo ey, cuatro di e cinco hungadonan ey tabata hende muhe (ken tur a yega den semi-final).

Taylor Fritz, Frances Tiafoe y Ben Shelton ta poniendo e “US” den e US Open



Bista Politico ta un seccion di *Bon Dia Aruba* specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di *Bon Dia Aruba* y ta pa responsabilidad exclusivo di e organisacion/individuo cu ta ofrece esaki pa publicacion. *Bon Dia Aruba* ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di *Bon Dia Aruba*.

BISTA POLITICO

Parlamentario Marco Berlis (MEP):

Parlamentario Gerlien Croes ta flip-flop riba RAft y tambe ley di BTW!



Den e ultimo lunanan aki nos por a nota cu parlamentario Gerlien Croes a flip flop riba RAft y BTW respectivamente. Gerlien no ta duna pueblo ningun, pero ningun splicacion algun hustificando su cambio di posicion riba e leynan di RAft y BTW. Te cu Diamars 22 di Augustus niun hende, ni Parlamento, tabata sa cual lo tabata e opinion di sra. Croes riba RAft.

Gerlien den AVP tabata contra BTW y contra RAft. No ta un secreto cu ora sra. Croes tabata para firmemente tras di e punto di bista y opinion di e partido AVP

riba e leynan di RAft y BTW. Nan lider Mike Eman no ta laga duda atras cu e ta contra di BTW y e RAft. Hunto cu su lider nan a sali numerosamente biaha pa cuestiona ambos ley, tildando entregamento di autonomia, y tildando con malo BTW ta pa pueblo. Ata awor diripiente Gerlien ta flip-flop bisa den prensa cu e ta pro-BTW!

Pakico Gerlien ta vocifera su flip-flop awo? E pregunta grandi ta: Pakico sra. Croes a cambia su opinion y conviccion riba e dos leynan aki awo? Ki splicacion Gerlien por duna pueblo riba un cambio di opinion asina grandi riba dos leynan asina sensitivo? Dicon e no a vocifera su opinion antes ora e tabata ainda parti di e partido AVP cu e la "yama" pa corrupto? Dicon ora e la sali di AVP e no a sali pa motibo di su opinion riba e RAft y BTW? Acaso loke e tabata vocifera den AVP tabata solamente loke Mike Eman tabata im-

pone pa e papia? Acaso e no tabata tin bos y opinion propio den e partido? Esey sigur ta muestra e caso di Gerlien Croes. Acaso ora sra. Croes ta papia di diseña, vocifera y lidera, ta instruccion di su lider Mike Eman e tabata papia, pasobra e no tabata mag di bisa nada di su mes? Kiermen awo cu Gerlien a bira independiente diripiente e tin un bos propio y ta p'esey el a cambia di opinion riba e dos temanan aki? Gerlien su lema nobo awor ta "Flip-Flop?" Kisas sra. Croes ta buscando desesperadamente simpatia di comerciantenan y pueblo pa gana voto?

Gerlien kier e RAft pero ta flip-flop "live" den Parlamento. Durante di e reunion publico di diamars tratando e tema di e RAft, sra. Croes a sali duro pa vocifera cu awor si e ta pro e RAft, loke ta un posicion contrario di ora e tabata den AVP. Sra. Croes a

declara cu gobierno mester tuma e RAFT manera cu e ta, sin ningun argumento y defensa, pasobra pueblo no mester carga e consecuencia. Awor Gerlien ta grita pro e RAft, pero algun siman pasa den AVP e tabata contra RAft! Kiermen abo tabata contra pueblo segun bo mesun discursonan den Parlamento? Esaki nos ta yama e fenomeno nobo flip-flop, un politica barata sin diseña, sin un bos y sin liderazgo.

Nos tur por ta di acuerdo cu nos niun kier wak pueblo carga mas peso, y ta p'esey nos fraccion di MEP a menciona e diferente puntonan cu nos kier wak anca den un LAft modifica. Puntonan procedente di un plan, strategia, amor pa nos pueblo pa cual nos ta luchando. Pero awor sra. Croes tambe a bira entreguista a toda costa. Sin lucha pa husticia pa nos pueblo, pa nos bandera, nos autonomia, nos dignidad, y pa e posicion cu nos tin den e

Reino actualmente cu ta duna nos e habilidad di por marca nos mesun rumbo. Sra. Croes ta completamente contra esaki y ta cla pa entrega Aruba na Hulanda. Sra. Croes ta uza diferente argumento cu ta zona manera su proximo partido ta Accion 21. Sinembargo, ora el a hay'e presiona politicamente despues di algun ora di debate den Parlamento Augustus 22 ultimo, el a core bisa cu e ta pro e RAft pero cu awor mester di algun cambio den e RAft. Ma bon, no ta esaki coalicion den Parlamento ta bringando p'e hopi tempo caba? Gerlien a dobla paso a yame bende patria? Gerlien su postura original den prome tanda tabata pa entrega Aruba manera e RAft ta. Naturalmente Gerlien no por a duna contenido cual te cambianan cu e kier mira, paso e no tin un plan. Un otro flip-flop mas, pasobra e realidad ta cu Gerlien a hay'e den cayente di debate y no tawata sa kico pa haci mas.

Prome Minister Evelyn Wever-Croes

A pesar di medionan financiero limita, Gabinete Wever-Croes ta trahando pa trece desaroyo y diversificacion na San Nicolas

Gabinete Wever-Croes tin prioridad pa inversion den San Nicolas y ta sostene iniciativanan di San Nicolas Business Association (SNBA) pa atrae inversionistanan pa desaroyo y diversifica economia di Aruba, y specialmente di San Nicolas. San Nicolas den e ultimo añanan a mira cambionan importante cu enfoke riba turismo, economia, hubentud entre otro.

Prome Minister Evelyn Wever-Croes ta gradici SNBA pa iniciativanan importante aki pa stimula inversion na San Nicolas y pa Aruba. Gabinete Wever-Croes ta sostene e iniciativanan aki. Prome Minister a remarca cu a pesar di medionan financiero limita, ta trahando pa trece desaroyo na San Nicolas. Entre otro ta trahando riba cosnan hopi senciyero pero tambe riba proyectonan grandi pa cambia e desaroyo y haci di San

Nicolas un destinacion turistico y un destinacion di energia.

Siguridad:
Na Bernhardstraat, Elmar a drecha e luznan pa brinda mas siguridad y embeyece e area. Minister di Husticia, Rocco Tjon ta trahando riba e Proyecto Veilige Barios cu e meta pa trece siguridad y ilumina careteranan den tur bario di San Nicolas y henter Aruba.

Desaroyo sostenibel:
Proyectonan ta andando na Baby Beach y Rogers Beach pa drecha desaroyonan sostenibel y duradero. Minister Dangui Oduber ta trahando riba embeyecemento y ampliacion di Baby Beach cu ya ta hopi avansa y Pronto lo cuminsa na Rogers Beach. Minister Oduber personalmente ta bay na e sitio pa haya un bista con e trabounan ta avansando y pa demostra e seriedad di e compromiso di

Gabinete Wever-Croes.

Deporte y enseñansa:
Minister Endy Croes ta invertiendo den deporte y enseñansa na San Nicolas.

Transiciona e refinaria y crea cupo di Empleo:
Minister Glenbert Croes a pone como compromiso personal pa transiciona e refinaria cu aworaki por bisa cu ta hero bieu riba un tereno, den un refinaria State of the Art, cu ta bay traha hidrogeno, cu e MOU cu e companianan a firma recientemente. Di e manera aki, no solamente ta cambiando e industria aki y haci'e algo moderno cu ta crea cupo di trabou pa nos hobennan, pero e lo yuda nos tambe transiciona energia na Aruba pa baha nos dependencia di fuel, baha prijs di awa y coriente y mas beneficio cu esaki ta trece cune.

Cultura:
Minister Xiomara Maduro ta

trahando pa crea di San Nicolas e centro cultural di Aruba pero tambe di henter Caribe hunto cu varios stakeholder.

Centro di ciudad:
Pa atrae mas bishitante, Minister Geoffrey Wever ta trahando riba embeyecemento y revitalisacion di centro di ciudad. Den esaki, ta planeando pa inclui hopi parke pa famianan por disfruta hunto.

Agricultura:
Un proyecto hopi bunita tambe cu Minister Ursell Arends ta trahando riba dje ta pa logra un mercado moderno y bunita pa agricultornan.

Infraestructura:
Un desaroyo interesante di infraestructura na San Nicolas ta un memorial, un monumento di paz riba Sero Colorado na unda cu lo bay recorda tur esnan cu a perde nan bida durante e di dos Guerra Mundial aki na Aruba. Di e manera aki tambe, lo crea

mas conscientisacion pa nos ciudadanonan y turistanan di e rol importante cu Aruba a hunga durante e Segundo Guerra Mundial. Planificacion pa esaki ta cla y fondonan ta alocu pa comienso di aña 2024. Na Januari lo tene e destaho publico pa cuminsa traha e monumento hopi senciyero pero hopi bunita pero lo atrae hopi ciudadano y turista cu ta busca historia y cultura di nos pais.

"Esakinan ta algun proyecto cu ta andando y otronan den plan. Di e manera aki, Gabinete Wever-Croes ta trahando pa desaroyo di San Nicolas. Como Minister di Infraestructura, mi ta sostene tur e trabounan andando y esunnan cu ainda mester bin. Mi ta gradici SNBA cu e cumbre aki cu ta un iniciativa hopi importante pa atrae inversionistanan pa yuda diversifica economia di nos pais", Prome Minister a expresa.

Bista Politico ta un seccion di *Bon Dia Aruba* specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di *Bon Dia Aruba* y ta pa responsabilidad exclusivo di e organisacion/individuo cu ta ofrece esaki pa publicacion. *Bon Dia Aruba* ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di *Bon Dia Aruba*.

BISTA POLITICO

Minister Endy Croes ta felicita Sra. Amalin Flanegin como procurador general di ministerio publico di Aruba

Diabierno ultimo, a tuma luga huramento di Sra. Amalin de Lelis Altagracia Cresencia Flanegin na Cas Ceremonial.

Sra. Flanegin a huramenta como procurador general nobo di Ministerio Publico di Aruba, den presencia di Su Excelencia Gobernador di Aruba Alfonso Boekhoudt. Den e ocasion aki, Minister di Enseñansa y Deporte

Endy Croes a representa colega Minister Rocco Tjon. Tambe presente durante e huramento di Sra. Flanegin tabata Presidente di Corte Comun di Husticia Sr. Mauritsz de Kort. Minister Endy Croes ta felicita Sra. Flanegin cu su posicion como procurador general di Ministerio Publico di Aruba y ta desea Sra. Flanegin hopi exito den su funcion nobo!



Parlamentario mr. Edgard Vrolijk (MEP):

E procedura di un conseho di ley di Reino (parti 1)

Na e momentonan aki un punto di discusion ta e ley di consenso yama Rijkswet Aruba Financieel Toezicht cu nos conoce como RAft. Un concepto di ley cu desde juli 2020 den pleno pandemia a trece hopi rabia y discordia con esaki a ser presenta den momentonan mas critico di salud y financiero di pais Aruba. E proceso con esaki a ser encamina, mescos cu ta e caso di COHO, a ser condena y cuestiona durante reunion di IPKO no solamente pa Parlamento di Aruba so, sino tambe door di e mesun Parlamentarionan Hulandes. Esaki no solamente a wordo registra den e afsprakenlijst di mei 2022 na Sint Maarten, pero tambe den e propio verslag di Parlamento di Aruba cu a bay dia 20 di mei 2022 pa Gobierno di Reino Hulandes cu te dia di awe no a wordo contesta. Den parti 1 di e articulo mi lo elabora riba e procedura di un ley di consenso di Reino y e ley di RAft y den e siguiente parti mi lo elabora riba nos propio verslag entrega dia 20 mei 2022 y ki cambio nos lo kier wak den beneficio di Aruba.

Ley di consenso di Reino RAft

Na juli 2020 Hulanda a presenta Aruba e condicion di



ley di consenso di Reino basa riba articulo 38 inciso 2 di Statuto di Reino. E uso di ley di consenso, no ta algo incomun y por ta uno positivo y eficiente y un ehempel ta Kustwacht. Pero un ley di consenso tin su exigencianan pa por papia di consenso. Na prome lugar mester tin consenso riba e escogencia den e forma cu lo traha hunto y sigur riba contenido di esaki. Den caso di e RAft esaki a ser presenta na Gobierno cu e condicion cu bo tin di firma of no tin placa y esaki ta bay contra di e spirito di un ley di consenso di Reino. Di dos exigencia ta cu e escogencia mester ta boluntario y no

forsa. Den e caso aki hasta e Plataforma di IPKO a condena e manera cu a atende cu esaki. Na di tres lugar mester tin "overleg" den esaki y mester tene na cuenta cu locual un partner kier, paso aki ta trata di pasa temporariamente un autoridad propio di un pais y haci esaki un asunto di Reino. Esaki ta hisa e drempe mas halto y sigur mester tene cuenta cu exigencianan. Den e caso aki Aruba desde principio y te dia di awe no ta ser teni na cuenta ni den e forma, ni den contenido di e ley di consenso di Reino.

Pues si para keto un rato den e forma con a atende cu un

ley di consenso, cu por ta algo positivo pa pais Aruba, esaki a cuminsa riba mal pia cu a haci e procesonan cu a sigui bay di malo pa pio te dia di awe. Cada bes ta di straf y opresion so bo ta tende, manera e famoso mocion di rentestraf cu ta na mesa pa negosha, pero un mocion positivo nos no lo haya di parti Hulanda unda cu nan ta indica cu berdaderamente nan kier yuda Aruba.

Procedura di un ley di Reino Articulo 15 te cu 18 di Statuto di Reino ta describi e procedura pa un Rijkswet y cu un ley di consenso cu no tin un procedura apart lo tin di encamina e mesun procedura di un Rijkswet. Hopi eyfo ta grita y sigur Hulanda ta haci manera ta awo e proceso aki a cuminsa y unda cu ta pidi compromiso pa por duna Aruba un fianza na interres abao. Esaki no ta e caso. E ley di consenso aki a cuminsa su procedura conforme e articulonnan ya menciona den nos constitucion. E ley a bay Gobierno di Reino, esaki a manda e ley pa Raad van State, y despues di esaki a entrega e ley hunto cu e conseho simultaneamente na e Tweede Kamer di Hulanda y Parlamento di Aruba dia 11 februari 2022.

Bou di un presion enorme di tempo Parlamento di Aruba mester a entrega nos preguntanan den forma di un verslag

dia 13 di mei 2022. Despues di a haci un peticion na Hulanda, nos a ricibi un 1 siman extra pa entrega nos verslag riba e concepto di e ley di Reino y dia 20 di mei 2022 nos di Parlamento a entrega preguntanan den un verslag. Unico dos proceduranan cu falta pa termina e ciclo pa un ley di Reino ta e contestacion di e preguntanan aki y una bes cu keda cla cu esaki, Tweede Kamer ta laga yama e reunion aki. Parlamento di Aruba tin derecho pa por asigna algun representante cu por atende e reunion aki y por hiba palabra, entrega mocionnan y/of amienda pa trece cambio na e ley aki y unda na final ta Parlamento Hulandes ta vota na favor of contra e mocionnan of amiendanan presenta y ta vota na favor of contra di e ley. Despues di e ronda aki e ta ser presenta na Eerste Kamer pa aprobacion of desaprobacion e ley.

Lamentablemente te dia di awe nos no a ricibi contesta riba nos verslag cu ta forma parti di e procedura. Mi ta spera cu pronto Parlamento di Aruba por ricibi contestacion di esakinan y cu Gobierno di Aruba sigui na mesa na Hulanda pa un miho acuerdo cu lo beneficia nos pais. Den e siguiente parti di e comunicado mi ta elabora riba cierto puntonan den e ley di consenso di Reino cu nos kier wak cambio aden cu lo ta beneficioso pa pais Aruba.

Comerciantenan por consulta “Helpdesk BBO na frontera” di Departamento di Impuesto

Pa tur pregunta of ayudo pa cu e yenamento di e declaracion di BBO

Relaciona cu e implemen-
tacion di e sistema di co-
bransa di BBO na frontera
cu a drenta na vigor dia 1
di augustus ultimo, De-
partamento di Impuesto
a haci algun adaptacion
den e declaracion di BBO,
BAVP y BAZV conforme
e cambianan di ley. E de-
claracion estilo nobo di
BBO di e luna di augus-
tus 2023 ta disponibel den
e portal “BO impuesto”
(BOi) entrante 4 di sep-
tember 2023. E ultimo dia
pa entrega e declaracion
aki ta 15 di september
2023.

Pa yuda e comerciantenan



mas tanto posibel cu e ye-
namento di e declaracion
di BBO y contestacion di e
preguntanan, Departamento
di Impuesto a activa e “Help-
desk BBO na frontera”.

Comerciantenan por yama
522 7438 entre 8or di mainta
y 5or di atardi of manda un
e-mail na bbonafrontera@impuesto.aw.

Den e dianan venidero, De-
partamento di Impuesto ta
bay publica tambe un video
di instruccion pa yuda e co-
merciantenan den forma
visual pa yena e declaracion

estilo nobo di BBO.

Departamento di Impuesto ta
conseha e comerciantenan pa
consulta e pagina web tambe:
BBO na frontera | Departa-
mento di Impuesto

Ta recomendabel tambe pa
sigui e noticianan oficial riba
impuesto.aw y e pagina di
Facebook di Departamento
di Impuesto.

KPA:

Fecha pa entrega peticion pa benta di klapchi 2023




Cuerpo Policial Aruba ta
informa tur persona cu
kier bende klapchi pa aña
2023 pa tene cuenta cu e
siguiente informacion pa
entrega e formulario di
peticion pa benta di klap-
chi 2023.




















E formulario di peticion pa
benta di klapchi por wordo
entrega solamente na warda
di polis Santa Cruz situa na
Macuarima.


Por entrega e formulario
desde diamars 15 di augus-
tus 2023 te cu diaranson 15
november 2023. For di 8:30

mainta te cu 4’or atardi.
Bo por download e formu-
lario di peticion digital ariba
nos website www.kpa.aw den
e seccion di servicio y bay
den e balki di permiso. Yena
y haci e rekisitonan y despues
entrega esaki.

Cuerpo Policial ta informa
cu despues di e fecha men-
ciona, no lo acepta ningun
formulario pa peticion di
permiso pa benta di klapchi.
Ta pidi tur hende pa por fa-
vor tene bon cuenta cu esaki
pa despues bo no haya bo cu
sorpresa desagradabel of per-
dida financiero.

Resultado Sorteo 5 september 2023			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
6943	9386	5554	8105
1281	8330	SUPER5	7351
0398	1432	85389	1544

MERDIA	ANOCHI		
			
Sorteo # 4024	Sorteo # 8036	Sorteo #	Joker Letter
4697	7742	0 x Jackpot	Proximo Jackpot
2906	1785	0 x Match 4+	480.000,-
3873	0479	0 x match 4	
		0 x Afl. 12,00	
FP	x3		
			01-04-05-19-27
Sorteo # 4024	Sorteo # 7080	Sorteo # 6230	Proximo Jackpot
5187	9369	0 x Jackpot	66.000,-
		9 x Match 4	
Sorteo # 2080	Sorteo # 1785	194 x Afl. 8,00	
1164	3272		
			03-06-08-25
Sorteo # 4024	Sorteo # 5839	Sorteo # 1591	Mega Ball: 01
2324	0353	0 x Jackpot	Proximo Jackpot
Sagitario	Sagitario	0 x match 4	430.000,-
		5 x Afl. 500,00	
Sorteo # 898	Sorteo # 769	85 x Afl. 50,00	
863	461	82 x Afl. 15,00	
			Afl. 610.000,-
X2	x2		
		Sorteo #	





King Classic Sudoku								
		3		5		4	2	
	2		7	6		8	5	
	1	5	8		4		6	
8	6	1	4	7			3	
5						1		8
3								6
	5	9		8			1	
	7		6				9	
2				1				

Difficulty: ★★

9/6

©2023 King Features Syndicate, Inc.

Clasificado

ECONOMICO aviso@bondia.com

Personal GRATIS max. 20 palabra
 PASA LAGA BO AVISO NA OFICINA DI BON DIA
 ARUBA WESTSTRAAT#22 FOR DI 9:00AM-4:00PM
 Email nos na
 classified@csprv.com

SERVICIO PUBLICO
Limpieza pa cas y auto
 Presure wash cura di cas
 Laba muebles
 Laba tapijt
 Laba sienta di auto
 Laba vloer
Tel. 593 9464

SERVICIO PUBLICO
 Buscando auto pa huur y na bon
 prijs? yama nos
Tel. 593 9953/ 593 8453

TA HUUR
 Cas na Bubali 17G
 3 camber / 2 baño
 Pa mas info
Tel. 561 1496 / 662 9832

TA BENDE
 BBQ Grill tipo cilinder
 "criyoyo" duradero
 Prijs Afl.250
Tel. 569 7787

SERVICIO PUBLICO
 Nos ta chapi, corta y planta
 mata, brinda tur servicio cu bo
 cura mester. Tira sushi afo, tur
 esaki na un super bon prijs
Tel. 738 1908

SERVICIO PUBLICO
 Sushi den cura pa solamente
 50,- pa buelta, nos ta lante lague
 limpi mane un soño.
 Arubiano trahado
Call 592 5766

SERVICIO PUBLICO
 Masaje reductores, terapias
 para el dolor, terapia infraroja,
 ventosas, kinesiotape, gimnasia
 pasiva, hilos magicos, trata-
 miento faciales
 Avicenastraat #18 local A
Tel. 566 1412 / 561 8520

SERVICIO PUBLICO
 Ta traha y renoba Cas
 ta traha y drecha dak, ta basha
 vloer, pleister, verf cas, traha
 cura, pega mosaico y azulejo-
Tel.563 4168

SERVICIO PUBLICO
 Pa tur trabou di tapiceria di
 mueble, auto, yate y barco.
 Nos ta haci trabou di cabana y
 bambu y nos ta verf
Tel : 569 7539 / 737 3993

TA BUSCA
 Fast Delivery Services N.V.
 Nos ta buscando un
 Handyman
 por pasa yena un aplicacion.
 Adres: Rumbastraat #20 of
 email: jobs@fastdeliverydc.com

TA BUSCA
 Empleada di servicio domestico
 na cas di famia. Tene cas limpi
 cushina y cuida mucha y
 mascota
Tel. 594 3121

TA HUUR
 Se alquila habitacion con todo
 incluido
 Brikstraat na Playa
Tel.564 1979

TA BENDE
 Combo di regalo pa
 tur ocasion:
 Mugs, kerki di biña, tablashi cu
 leyenda
 Pa mas informacion
Cell whatsapp 567 2907

SERVICIO PUBLICO
 Ta haci tur trabou di
 construccion y carpinteria y tur
 cos cu ta furamento di stul di
 bambu, cabana y toldos
Tel : 746 0518 / 569 7539

SERVICIO
 Unified One Events
 Photos , films, wedding
Tel. 749 2533

Sushi den cura?
 Ta piki sushi cu pick-up
 grandi pa Afl 75,= pa buelta.
 Yama nos na
561 4297 of 561 5179
 Hasi Aruba Limpi.

SERVICIO PUBLICO
 Nos ta haci trabou di
 plomeria, electricidad,
 hardineria incluye hiba sushi
 Handy man.
Tel.742 6250

SERVICIO PUBLICO
 Mi ta chapi, lanta sushi, corta
 mata, transporta frigidaire, was-
 machine biew, drecha cas, etc.
Tel. 564 1979

SERVICIO PUBLICO
 Pa haci trabow di verf y chapi,
 tur mantencion di pafor di cas
 Yama y puntra pa Benito na
Tel.630 5185

TA BUSCA
 trabou pa haci cas limpi,
 negoshi of oficina
Tel.561 3910

SERVICIO PUBLICO
 Handyman
 Pa trabouw di verfmento
 plumbing tuberia, chapi,
 limpieza di cura, drecha mata
Tel : 567 1108

SERVICIO PUBLICO
 Mi ta ofrece servicio pa haci
 reparacion di porta, ventana y
 hopi mas. Arubiano Balente
 Pa mas informacion por yama
Tel. 563 6762

FOR RENT
 Bunita cas na Gold Coast
 3 camber 2 1/2 baño, sala,
 comedor, cucina y patio. Pa
 mas informashon por
 whatsapp
+58 414 614 7440

SERVICIO PUBLICO
 Pa trabou di data-entry of
 update di bo administracion pls
 contact:
Tel.568 2339

SERVICIO PUBLICO
 Mi ta ofrece servicio di
 electricista en general corto
 circuito y mantencion
Tel.566 5026

TA BUSCA
 Señora cu auto dialuna pa
 diabierna pa busca yiu di skol,
 cushina y hasi limpieza di cas
 11.30 -5.30
Tel. 563 8822

TA HUUR
 Habitacion con todo incluido
Tel. 564 1979

SERVICIO PUBLICO
 Mi ta ofrece pa cuido di mucha
 di dialuna pa diabierna y
 weekend. Pa informacion
Tel. 558 7310

SERVIO PUBLICO
 Ta ofrece pa verf y chapi cura
 bon prijs. Nos ta hiba e sushi.
 Yama pa mas informacion na
563 4828 / 5679610

SERVICIO PUBLICO
 Hacemos todo tipo de construc-
 cion, reparacion de casas, pin-
 tura, acabados finos, jardines,
 patios, techos a buenos precios
Tel. 569 7539 / 746 0518



Cas Di Cultura
 Vondellaan 2 Aruba
 297-582-1010
F A D A
 Campanastraat 5 Aruba
 297-583-2999
 297-583-9610
F A V I
 Primavera 233 Aruba
 297-582-5051
 297-582-5222

F E P O
 Engelandstraat 15 Aruba
 297-583-1016
 297-583-6607

**Fundacion Contra
 Violencia Relacional**
 Tel: 583-5400

**Fundacion Autismo
 Aruba**
 Irenestraat 21 Aruba
 297-588-1179

**Fundacion Pa Nos
 Muchanan**
 Cumana 2 Aruba
 297-583-4247

**Fundacion Tel Pa
 Hubentud**
 Wilhelminastraat 19
 Aruba
 297-588-6138
**Koningin Wilhelmina
 Fonds**
 Spinozastraat 9 Aruba
 297-582-0412

Mary Joan Foundation
 Sabana Blanco 8 Aruba
 297-588-9999

Rode Kruis Aruba
 Pedro Gallegostraat 14
 Tel.297-582-2219
 Fax 588-3376

Famia Planea (SBVO)
 Avenida Milio J Croes 17
 B Aruba
 297-588-9591
 www.famiaplanea.org
 famiaplanea@hotmail.
 com

**Stichting Fundacion
 Guia Mi**
 George Madurostraat 34
 297-582-0088

Y M C A
 Calbasstraat 1 Aruba
 297-582-3072

AL-ANON group
 Sabana Liber #8, Noord
 (close to the hotels)
 Tel: 736-2952 or
 593-7081

Dokter na warda
Oranjestad San Nicolas
Hospital Imsan
 7:00 pm / 10:00 pm **24 ora**

Botica na warda
Oranjestad: San Nicolas:
 Trupiaal Seroe Preto
 Tel. 583 8560 Tel. 584 4833
EMERGENCIA 911

POLIS
Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA
Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD
Setar 117
Web 525-4600
Elmar 523-7147

FUNERARIA
Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
 Taxi C.A.**
 Tel: 582 2116 / 582 2010

Taxi Adres Services (24h)
 Tel. 587 5900

A1 Taxi Services Aruba
 Tel: 587-8850
 Tel: 280-2828
 Whatsapp: 592-7024

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y floran por seca, su recuerdonan y tur loke el a haci y significa pa nos, lo keda graba pa semper den nos mente y curason.
"Cerca Dios mi alma ta na paz, ta di DJ'E mi salvacion ta bin"
Salmo 62:1

Cu dolor na nos curason, nos ta participa fayecimento di nos ser stima:



"Warrior Queen"
Dhayene N. A. Goitia Ras Tromp
*17-09-1988 - †02-09-2023

Na number di su:
Casa stimá: Johnny Goitia
Yiunan stimá: Dhaena y D'John Goitia
Mayornan: Naldi y Diana Tromp – Luidens
Ruman: Dhany Tromp y pareha Amber-Eline Kock
Suegro: Pedro Goitia (Venezuela)
Suegra: Norinda Ras
Swanan: Brian y Christian Goitia (Venezuela)
Sobrino y sobrinanan: Dhaeline, Dhareline y Dharvin Tromp
Welo y Welanan:
† Elio y Chichi Tromp – Rasmijn
† Juchi y † Olga Luidens – de Cuba
Tanta y Omonan:
Tanti Yol y Jonchito Croes – Tromp
Tanti Lidia y Omo Kepi Jong – Tromp
Tanti Asje y Omo Chalie de Palm – Tromp
Tanti Stella Luidens
Omo Tico y Sharline Luidens - Croes
Manera tantanan: Tante Glenda, Tisha y Liesje Tromp
Tanta y Omo Grandinan: Kitty, Roosje, Dina, Neda, Diana, Win, Maiky, Alsira, Chindy, Annie, Mario, Eloy, Betty, Tan Reina y Wito
Madrina y Padrino:
Astrid y Charles de Palm - Tromp
Irene van der Linden
Nana: Yaya

Primo & primanan:
Rosemary Luidens y pareha
Roseanne Luidens
Stephanie y Nigel Wix – Jong y yiunan Quinn y Benn
Lydienne y Joey Arends – Jong y yiunan Luke y Jay (USA)
Sharmayne de Palm y yiunan Dasey, Sunny, Leya y Mikey (NL)
Cookie Croes y yiu AJ (USA)
Leyon Croes y Weimin (NL)
Loney Croes y Dwight (NL)
Dwayne Luidens y Gennelay
Alexienne Luidens
Elyane Nicolaas y yiu JP (Bonaire)
Dionne Nicolaas y yiu Darjuan (Bonaire)
Jumar y Mientje Nicolaas y yiunan Mijuar y Jutian (Bonaire)
Amigo y amiganan:
Abi y Chieh Chen Lake, Nicole Nicolaas, Luis y Elizeth Bello, Geraldine Geerman, Bancho y Josie Mansur, Kevin y Josie Kock, Eduard y Jessica Dubero, Timmy y Joella, Tyson y Tanchi Croes, Ivo y Ivanna Fernandez, Darren van Ommeren y Amber, Kevin van Ommeren y pareha, Tio Bincho y Tia Betchie
Staff Goitia Tennis Performance (GTP):
Coach Pepe, Coach Jeffrey, Coach Eduard, Coach Kevin, Coach Illienne
Coleganan di Aruba Racquet Club (ARC):
Kenneth y Claudia Ponson, Dito, Anabel, Karenza, Zoey, Mellisa y Emilia
Demas famia- y amiganan: Goitia, Tromp, Luidens, de Cuba, Ras, Rasmijn, Kock, Croes, Jong, de Palm, Nicolaas (Bonaire), Garcia, de Mey, Mora, Wever, Panneflek, Merryweather, Lee, Ponson, Baroud, Solagnier, Every y Kransen (USA), Mosquera y esnan na Venezuela, Bonaire, Curacao, NL, Colombia y USA
Gradicimiento na:
Jasmira, Julienne, Joanne, Tanti Asje, Personal di Wondenpoli, Dialyse afdeling y Dr. Kock
Oportunidad pa condolencia ta diahuebs 7 di September 2023 for di 7.00-9.00 PM na Royal Funeral Home

Acto di entierro lo tuma lugar diabierna 8 di September 2023 na Misa di Savaneta – Sagrado Corazon di Hesus di 2:00 – 4:00 PM. Despues ta sali pa Santana Catolico na Savaneta

Nos ta pidi nos sincero disculpa, si pa un of otro motibo nos a keda sin menciona algun persona.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada.
Den cunucu di yerba berde e ta ponemi sos-
ega.
E ta hibami na awa trankil,
pa mi bolbe haña forsa".
Salmo: 23

A fayece cristianamente:



Olga Yolanda Donata
*28-04-1951 - †31-08-2023

Na number di su:
Tata: †Jan Donata

Mama: †Maria Donata

Rumannan:
†Frederick (Fedi) y Helena Donata
Hendrik (Iki) y Nanny Donata
Mario (Komai) y Mariana Donata
Roland (Ronnie) y Tienchi Donata
†Felix (Rudi) Donata
Rosa y Anthony Paula
Victor (Toy) y Alicia Donata
David y Theresita Donata
Esmeralda (Lati) y Adolf Everon
Tantan: Sra. Elsa Ras y famia
Sra. Deta Albertsz y famia

Sobrino y sobrinanan, Ihanan, primo y primanan.

Demas famia: Donata, Ras, Flanegin, Geerman, Werleman, Paula, Everon, Dirks, Es-
querra, Albertsz, Croes, v/d Biezen, Petro-
chi, Hermans, Gomes, Oduber.

Famia aprecia pa Olga: George Jimenez y
famia

Tur bisiña, amigo y conocirnan ta wordo in-
vita pa acto di condolencia y despedida cu
lo tuma lugar na Aurora Funeral Home di-
aranson 6 di September 2023 for di 9'or pa
11'or di mainta.

Cremacion lo tuma lugar despues den seno
familiar.

Nos ta pidi disculpa si den nos tristesa nos
por a lubida di menciona un of mas famia

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Por cuanto en mí ha puesto su amor, yo
también lo libraré; Le pondré en alto, por cuanto
ha conocido mi nombre. Me invocará, y yo le
responderé; Con él estaré yo en la angustia; Lo
libraré y le glorificaré. Lo saciaré de larga vida, Y
le mostraré mi salvación."

Salmos 91: 14-16

Cu hopi tristesa nos ta anuncia fayecimento di
nos ser stima:



Genry Vega Ibarra
*18-08-1961 - †04-09-2023

Na number di su:
Casa:
Doris Stella Alzate Arias

Yiunan:
Nestor Vega
Yllerson Contreras
Yemirson Contreras
Henry Vega

Nieta:
Chloe Alani

Mayornan:
Rosa Ibarra
Pedro Ibarra

Coleganan di Wendy's & Retonde Fast Food
Ta invita pa acto di condolencia y despedida cual
lo tuma lugar diabierna 8 di september 2023 na
Aurora Funeral Home di 7or pa 9or di anochi.
Cremacion lo tuma lugar despues.



Biden ta nomina ex-Tesorero Jacob Lew pa sirbi como embahador pa Israel

(AP)—Presidente Joe Biden a nomina ex-Tesorero Jacob Lew pa sirbi como e proximo embahador Mericano pa Israel, segun e Cas Blanco a anuncia diamars.

Lew, ken a sirbi como e Hefe di Personal na e Cas Blanco y director di e Oficina di Maneho y Presupuesto (OMB) durante e administracion di Obama, lo sucede Embahador Tom Nides, ken a retira for di e posicion na juli. Lew tambe a sirbi como director OMB durante e administracion di Clinton. Si Lew ser confirma pa e Senado, e lo tuma un di e posicionnan mas halto den embahada Mericano, cu e administracion di Biden pushando pa Israel y Saudi Arabia—dos di e podernan mas grandi den Medio Oeste pero rivalnan—pa normalisa nan relacion. E esfuerso pa fortalece e relacion tenso ta bin despues cu e administracion di Trump



a yuda facilita e “Abraham Accords,” normalizando relacionnan entre Israel y e Emiratonan Arabe Unid, Bahrain y Morocco. Un acuerdo di normalisacion cu Saudi Arabia, e estado

Arabico mas poderoso y rico, tin e potencial pa reforma e region y boost e posicion di Israel den maneranan significante. Pero pa ofrece un acuerdo ta pisa como cu e reino a bisa cu e no lo reconoce

Israel oficialmente prome cu un resolucion pa e conflicto entre Israel-Palestina. Actualmente Lew ta partner gerente na Lindsay Goldberg, cual ta un empresa priva pa equidad. Un vocero pa Lew

a bisa cu e no tin ningun comentario awo tocante su nominacion.

E Mayoria Democratico pa e presidente di Israel y CEO Mark Mellman a bisa cu Lew lo tuma e posicion “bon informa tocante e relacionnan internacional y e asunto serio enfrentando e alianza entre Merca y Israel y Israel mes.” Actualmente e ta sirbi tambe como presidente di e directiva di e Comité Nacional riba relacionnan entre Merca y China, co-presidente di e directiva di Biblioteca Nacional di Israel USA y un miembro di e Consejo riba Relacionnan Internacional. Tambe el a sirbi como director gerente y hefe di operacion pa dos unit di empresa na Citigroup. E tabata e vicepresidente ehecutivo y un hefe di operacion di Universidad di New York y un profesor di administracion publico den e Wagner Graduate School of Public Service na NYU.

Rusia ta bisa cu zuid-oost Ucrania ta e enfoke awo den guerra

(AP)—E region di Zaporizhzhia di zuid-oost Ucrania a bira e “hot spot” mas recien pa bataya den e guerra di 18 luna, segun Minister di Defensa Ruso Sergei Shoigu, a bisa diamars, mientras e forsanan di Kyiv ta sigui cu nan contraofensa.

Shoigu a conta agentenan militar Ruso cu Ucrania a trece forsanan di reserva cu a ser entrena pa aliadonan di Kyiv. E no a ofrece prueba pa su declaracion, cual no por ser verifica independentemente tampoco. Bringando den e parti zuid-oost por ta un di e puntonan importante den e guerra. Si defensanan Ruso eynan colapsa, forsanan Ucraniense por pusha den direccion di costa y potencialmente dividi



forosan Ruso den dos. E declaracion di Shoigu a ser corobora parcialmente pa otro reportahenan y evaluacion di e esfuersonan di Ucrania pa mantene e soldaatnan di Kremlin leu. E instituto di e Estudio di Guerra, cual ta un ‘think tank’, ci-

tando imagennan geolocalisa, a bisa diamars cu e infanteria Ucraniense a avansa algun di e rooinan anti-tanki y veldnan di mina cu ta parti di e defensa Ruso na Zaporizhzhia. Sinembargo, el a bisa cu e no por declara cu e defensa a ser infiltra completamente, pa-

sobra no a mira ningun arma pisa Ucraniense den e area. Ta den e parti zuid cu e forsanan Ucraniense a probecha di e beneficienan di e bataya mientras cu e contra-ofensa ta avansa bao atakenan. Desde cu e contra-ofensa a cuminsa tres luna pasa, Ucrania a avansa 7 kilometer den e region di Zaporizhzhia, segun oficialnan di Ucrania a declara. Soldaatnan a ataca fortificacionnan Ruso si- man pasa pa retuma e pueblo di Robotyne. Esey tabata e prome victoria significante pa Ucrania den e parti ey di e pais.

Forsanan Ucraniense a logra mas progreso den e area ey y fortifica posicionnan di captura ayera mainta, segun Pavlo Kovalchuk, ken ta vocero di e Personal General di

e Forsanan Arma di Ucrania. Ningun declaracion di ambos banda por ser verifica ainda. Si Ucrania progresa cu solamente 15 kilometer for di Robotyne, nan por dreña den rango di atake di e rutanan di transporte Ruso y posiblemente stroba e capabilidadnan di e forsan Ruso. Forsanan Ucraniense ta avansando sin cubrimiento aereo, haciendo nan progreso mas dificil y mas slow, mientras cu Rusia a lanza su mesun empuhe den parti noord-oost pa stroba forsan Ucraniense y preveni cu nan lo wordo desplega den e parti zuid. Ucrania a adapta su tactica di contra-ofensa den e ultimo simannan, moviendo for di intentonan pa bringa door di e forsa Ruso pa atakenan tactico cu ta trece beneficienan incremental.



TAKE OFF + CASH BACK

TA BEK PA TEMPO LIMITA



Un chance pa bo gana te cu
10% Cash Back
riba e balor di bo auto nobo.

- . Tur deal aproba y firma lo haya 1% Cash Back riba e balor di e auto nobo.
- . Alabes lo participa pa gana 10% di e balor di e auto nobo.
- . 10 premio mas di cada un Afl. 500.00 pa The Movies at GLORIA.
- . Un pago mensual cu ta fit den bo presupuesto.
- . Aprobacion den 24 ora si ta cumpli cu tur rekisito y condicion.
- . Pidi bo agencia di auto preferi pa e "Take Off+Cash Back" deal di CMB.

Pidi bo agencia di auto preferi pa e "Take Off+Cash Back" deal di CMB.

Pa cualkier pregunta of pa haci un calculacion por fabor tuma
contact cu nos via nos Live Chat di eAmigo.

***Ganadornan lo wordo anuncia dia 30 di Oct 2023.**




Presta responsabel. E oferta aki (Take Off+Cash Back) ta valido te cu 30 di september, 2023 y ta exclusivamente pa clientenan cu tin un record di pago satisfactorio segun exihencionan di Caribbean Mercantile Bank N.V. Clientenan cu aplica pa un prestamo personal pa financia un auto nobo ta bin na remarca pa un interes efectivo cu ta varia entre 7.14% p.a. y 6.32% p.a. pa sumanan entre minimo Afl. 50,000.00 te cu maximo Afl. 150,000.00 cu un termino pa paga bek di te cu 6 aña. Un cobranza pa seguro di bida di Afl. 10.00 pa cada luna, y un gasto di administracion di Afl. 15.00 pa cada luna lo wordo añaadi automaticamente na bo prestamo. Caribbean Mercantile Bank N.V. ta reserva e derecho di por cobra un boet riba prestamonan cu wordo cancela prome cu e tempo acorda. Den e caso di un periodo di preaviso por escrito di seis luna o menos: suma igual na 3 (tres) luna di interes cu un minimo di Afl. 500.00 lo ta aplicabel. Tumando un periodo di preaviso di mas di seis luna: Afl. 500.00 lo ta aplicabel. Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.



SCAN Y PRE-APLICA

Chat cu nos

cmbnv.com

 cmbnews  cmbnv  bobancoamigo